

嘉慶直隸太倉州志

直隸太倉州志卷二十五

漕政

崑山陞州而移建州治於太倉以元時海運江浙之漕皆由劉河出口明初設兩衛共治一城時猶行海運官軍領之自會通河開而海運罷及行兌運復歸于衛今州統四縣財賦殷繁與諸郡相埒兩衛雖隸蘇郡其軍戶卽州氓也其田賦半州壤也詳其原委因革使後有所考焉志漕政

衛制

太倉鎮海兩衛前明兼有守土之責兵防之寄吳元年立太倉衛設指揮使司十千戶百戶等官隸前軍都督

府統兵一萬一千二百人洪武四年並左右中前後五千戶經歷鎮撫二司十二年分立鎮海衛亦設五所二司俱以軍功世職承襲至國朝順治四年世職廢并汰衛所兵防改設徵屯守備專司漕運由部選每衛守備一員經歷一員中前後左右所千總各一員十六年裁經歷康熙六年改太倉衛左右所爲前幫中前所爲後幫設千總各二員裁後所千總撥鎮海衛爲一幫二十四年改鎮海衛爲前後二幫亦設領運千總共四員又千總外用明世職後裔協同押運到通後專押空運回南謂之隨幫千總五年運滿赴部選至雍正二年亦用部推以各省武舉頂補乾隆十五年以鎮海衛守備

兼管金山衛事

太倉衛署在長春里明時在陳門塘西南卽元崑山州治 國朝順治四年因舊署廢卽軍儲倉改建

鎮海衛署在武陵橋西北卽元市舶提舉司今仍其舊金山衛署在松江府金山縣界舊自設掌印守備乾隆十五年奉 旨酌裁簡缺衛所歸併鎮海衛兼轄

太倉衛守備一員

典吏一人

前幫千總二員

後幫千總二員

隨幫千總一員

鎮海衛守備一員兼管金山衛事

典吏一人

前幫千總二員

後幫千總二員

金山幫千總二員

隨幫千總一員

太倉衛漕船前明舊額一百三十五隻自入國朝共

存一百一十隻乾隆十六年減船四隻二十二年減船

一隻二十四年減船四隻今實存起運漕船一百一隻

前幫五十隻後幫五十一隻

每歲輪派千總各一員領運內抽運白

糧船七隻

鎮海衛漕船前明舊額一百五十六隻自入國朝共

存船八十九隻乾隆十七年減船四隻二十二年減船

一隻二十四年減船三隻二十七年減船一隻三十一年減船一隻四十一年減船一隻今實存起運船七十八隻前後帶各三十九隻每歲輪派千總各一員領運內抽運白糧船六隻

兩衛漕船貯米數目隨派兌之處糧額多寡爲上下以六百石以上爲率

兩衛漕船定例十年一造三年一修承造之年由衛僉丁監造

太倉衛運丁乾隆五十八年編審共一千一十名鎮海衛運丁乾隆五十八年編審共六百九十一名除每丁派

副丁各一名外
餘丁悉備僉選

兩衛僉派運丁凡十年承造之時由衛守備選派其疲弱不能承辦者另僉易之或未至十年有老病誤公者由千總另僉接替并不世傳其一家有數丁者俱可僉派亦不拘限所有隨船額田卽歸現丁收租管業謂之正丁其副丁並不受田卽係正丁之親戚子弟穩妥者協同辦公代理雜事

兩衛運丁舊有勲丁操丁屯丁之別明代世官後裔其始祖名字載舊志者謂之勲丁並不管運 國朝定例與操丁屯丁子孫一體僉運無異康熙二十六年部議凡運糧二十年照數全完者給以九品頂帶

兩衛運丁子孫遇州縣試時定例填明衛籍一體應考

太倉衛屯田前明舊額二百七十三頃四十一畝三厘
今實存田二百四十三頃二畝九分四厘八毫

鎮海衛屯田前明舊額二百八頃九十八畝六分七厘
八毫今實存田一百八十六頃一畝四分二厘四毫

太倉衛運丁額田每丁受田二百四十餘畝不等內均
派米租一百二三十石不等豆租一二十石不等花租
銀三四兩不等皆正丁自向佃戶收租應完屯糧二十二石一

斗四升一合屯折地丁銀二十七兩三錢七分四厘皆正
丁自赴本衛衙門完納守備各餘資贍運
自冊報藩司糧道開銷支用

鎮海衛運丁額田每丁受田二百三四十畝不等內均
派米租一百三十四石一斗四升花租銀五十兩三錢

三
分

正丁
收租

應完屯糧二十五石八斗六升一合四勺屯折

地丁銀三十兩五錢八分九厘

正丁自赴
本衛完納

餘同太倉衛

太倉衛屯田坐落細數

太倉州境五十三頃七十二畝六分八厘三毫

鎮洋縣境一頃五十一畝四分三厘一毫

嘉定縣境三十六畝三分五毫

寶山縣境二十六畝五分七厘

常熟縣境九十九頃一十六畝三分九厘三毫

昭文縣境八十三頃七十七畝六分一厘六毫

崑山縣境三十三畝六分七厘一毫

新陽縣境二頃八十八畝二分八厘九毫

鎮海衛屯田坐落細數

太倉州境九頃九十四畝六分八厘二毫

鎮洋縣境十二頃十八畝二分八厘六毫

嘉定縣境二十五頃八十五畝一分七厘五毫

寶山縣境二十頃四十七畝四分五厘七毫

崑山縣境五十四頃五十九畝四分七厘六毫

新陽縣境六十二頃七十六畝三分四厘八毫

按兩衛舊有屯田自明季漸多隱漏沿至國朝軍
民展轉私售田不歸船頗以派運為艱至乾隆三十

三年漕運總督楊錫綬將鎮海衛屯田逐一清查奏
明借帑贖還歸運按年收租歸款以後均撥現丁

管業田隨船轉不許私典永著為令乾隆三十六年
漕運總督崔應階奏請借帑將太倉衛屯田贖還

校租歸款後均撥現丁管業一如鎮海衛屯田贖還
法由是兩衛軍丁得田贍運漕政日肅矣

正嘉十有九年三月
按太倉衛有前明官軍居塚田二十三頃二畝五分七厘歸州辦糧又舊衛署基一十五畝在鎮洋縣境康熙四十二年開墾升科額徵銀一兩九錢七分一厘二毫又營房基額徵銀二十五兩由縣徵解布政司掣批歸衛奏銷鎮海衛有前明官軍居塚田一十六頃二十畝零歸州辦糧又衛署旁基地居民完租銀六兩九錢三分自乾隆三十三年為始出縣徵解為修理衛署之用又營房基額徵銀二十五兩由縣徵解此數款俱久經田州縣徵解不入屯田數內

衛職

太倉州

沙鳴鶴

世職順治元年署事

金世龍

浙江山陰人進士

杜彪

河南杞縣人進士

姚振國

陝西富平人進士

路凌雲

江南上元人武舉

盧嘉璋

湖廣興國人進士

李成喬

山西太原人將材

金鉉

江南上元人武舉

戴佐任

福建沙縣人進士

王篤弼

山東武定人武舉

陳維新

陝西榆林人進士

侯有仙

山西太原人行伍

莊兆鍾

浙江烏程人武舉

成性

山西文水人武舉

李之芬

湖廣江夏人世職

賀祺

山西代州人進士

王以成

漢軍正白旗人監生

白爾雅

山西交城人武舉

陶敏齋

浙江烏程人

鄔正華

湖北漢陽人武舉

劉世祿

江西南昌人進士

趙瑛

直隸大興人武舉

荆孔福

山西曲縣人進士

金溥

直隸通州人武舉

秦申福

漢軍旗人

錢選

浙江天台人進士

貝開基

直隸天津人武舉

杜光戚

直隸東光人進士

朱之興

湖廣桃源人武舉

符枚卜

山西翼城人武舉

章琳然

安徽青陽人進士

以上守備

程三捷

湖廣黃陂人武舉

徐大德

江南上元人武舉

藍綉袞

湖廣武昌人武舉

霍宏毅

陝西鄂縣人

陶銘舜

江南當塗人武舉

丁翼聖

湖廣黃陂人武舉

高昌

直隸新安人武舉

王應臣

江南泰州人武舉

文明時

江南涇縣人武舉

張總斌

陝西渭南人武舉

趙習

江南涇縣人武舉

解銘璋

山東長清人武舉

郭應經

山東高苑人武舉

鄒國彥

江南無錫人

包英

陝西鞏昌人

高三重

江南嘉定人武舉

蘇浩

直隸大興人効力

王一龍

山西文水人武舉

張煥

山西朔縣人武舉

洪勝

福建莆田人武舉

胡騰上

江南含山人武舉

柴藩

山西河津人武舉

邵鐸

浙江紹興人難蔭

方旭

江南涇縣人武舉

錢廷祚

浙江諸暨人効力

范師可

江南含山人武舉

鍾桂

廣東三水人武舉

魯世德

江南沛縣人武舉

李天佑

廬州衛人武舉

張應科

直隸寶應人監生

秦永清

江南懷寧人武舉

顧三異

江南上元人武舉

周人英

江西撫州人武舉

崔宏基

山西長子人武舉

陳紀

浙江紹興人効力

張幼良

浙江錢塘人武舉

伍存裔

典武衛籍隨郡

虞斌

浙江紹興人

彭緒

湖廣江夏人武舉

嚴思

四川巴縣人監生

沈趨

浙江平湖人武舉

麻桑尹

陝西榆縣人武舉

于三壽

陝西中衛人武舉

蔡旭齡

浙江蕭縣人武舉

余猷正

浙江遂安人武舉

呂大樂

山東陵縣人武生

謝縞

山東人

于世顯

山東東阿人武舉

安寧

滿洲正白旗人

魯國正

山東滄州人武舉

周兆雲

直隸晉州人武舉

賈國輔

直隸開城人武舉

楊芳榮

直隸交河人

李應第

湖廣人

王紹昱

直隸人

李魁春

湖廣沅陵人武舉

吳維清

直隸晉州人武舉

傅文理

直隸臨榆人監生

張煥

直隸西寧人武舉

靳潤德

直隸博野人武舉

高廷綸

直隸獲鹿人武舉

梁自樹

直隸通州人武舉

呂汝幹

山東博山人武舉

胡躍龍

江西吉水人武舉

李大愷

山東樂陵人武舉

潘四得

漢軍正白旗人武舉

屈遷

直隸宛平人武舉

胡秉忠

直隸赤城人監生

張旭齡

直隸南宮人武舉

李鵬萬

山西平定人武舉

陳雄才

廣東永安人武舉

歐陽標

江西人武舉

楊戍生

直隸人武舉

以上千總

傅霖

周基

王鐸

潘義

熊銓

侯潮

侯潤

夏松

熊澍

侯以桐

朱正襄

林培榮

夏澄

王祿隆

夏澣

夏楯

林鎮岳

鄭世勲

陳宏勲

以上
世職

戴士璋

單化龍

張三鳳

戎捷

孫靖

陸觀

蔡泓

林宗望

屠虎

田永裕

賀標

鄒翔

王良輔

田典基

孫本仁

曹良圖

歐陽恭

潘憲勳

嚴華

王璟

韓國鏞

萬世統

沈鑑

王天相

陳世璋

王世芝

張崇斌

王恕

王略

王錦

徐登元

徐仁里

邵昂

李廷玠

侯榮邦

邱超羣

俞丕顯

周鐸

董琳

馬萬朝

趙廷夔

宋義勇

佟欽

陳玠

張志和

儲鸞

徐鵬程

以上武舉

以上隨帮

按隨帮止押回運為任較輕今其籍貫亦難悉考故從闕文鎮海衛

此倣

鎮海衛

魏採

直隸順天人進士

張炯

河南河內人進士

陳養聰

浙江山陰人將材

徐旭

山東濟寧人進士

劉大生

山東青州人進士

霍彪

直隸清苑人進士

周天象

江西臨川人進士

傅姓牲

河南濬縣人進士

宋道貞

滿洲正白旗人

唐宏道

山東濟寧人進士

王廷傑

山西長治人武舉

童俊業

浙江山陰人監生

李均

山西臨汾人武舉

鄔宏遂

湖廣漢陽人進士

相瑋

直隸文安人武舉

許承訓

山東歷城人進士

徐永春

漢軍正藍旗人進士

李開第

湖北監利人進士

趙斌

浙江金華人進士

朱天受

江西南昌人武舉

計肇傑

直隸臨榆人武生

劉邦直

直隸宣化人武舉

李鈞

直隸交河人武舉現任

以上守備

吳世奇

陝西西安人武舉

葉鼎

福建侯官人武舉

郝騰譽

直隸宣府衛人武舉

章彪

浙江會稽人武舉

劉發

江西安義人武舉

吳悅我

江西南涇縣人武舉

宋國正

山西曲沃人武舉

張雲閣

湖廣武昌人武舉

毛澇

江西南浦人武舉

張瑛

山西文水人武舉

李孚吉

江西南寧人武舉

高忠

江西南武進人武舉

張雲祚

直隸冀州人武舉

孫景范

衛人武舉金吾

皮大夔

江西南元人武舉

鮑信

衛人武舉大河

朱衣

直隸宣府衛人武舉

李重富

河南武安人將材

張銘

浙江嘉興人武舉

吳卿

江西南昌人武舉

王風清

江西南陽人武舉

曹顯榮

江西南寧人武舉

王朝佐

浙江鄞縣人武舉

朱啟臨

河南在邱人武舉

馬應運

湖廣江夏人武舉

蘇承

河南開封人武舉

王吉士

直隸宛平人武舉

王含英

山東邱縣人武舉

李本和

山東登州人武舉

李滋杰

直隸宛平人武舉

徐得標

江南廬州人武舉

任爾孝

山西聞喜人武舉

潘華

江南泰州人武舉

劉四機

直隸玉田人武舉

夏顯

江南上元人隨帶

范宏倬

漢軍正黃旗人蔭生

徐青

直隸宛平人武舉

羅國治

浙江杭州衛人隨帶

洪鐘

山東東昌人武舉

武麟

山西太原人行伍

申銓

陝西綏德人武舉

孫元璋

江南太平人官生

裘思銘

江西新建人武舉

馬建勳

福建閩縣人難廕

武甲

山東曹縣人武生

蕭鳳翔

漢軍正白旗人武舉

魯國正

直隸滄州人武舉

胡啟雲

福建侯官人難蔭

何璉

湖南桃源人武舉

常裕綸

山西徐溝人武舉

董天序

直隸大興人武舉

唐麟

廣西永寧人武舉

聶顯

江西吉安人武舉

孟世魁

湖北武昌人武舉

沈躍

浙江烏程人武舉

李雲路

直隸保定人武舉

張鳳翔

漢軍正藍旗人武舉

丁家祥

江南合肥人武舉

蔣鎮川

河南睢州人武舉

宋建元

浙江歸安人武舉

熊定元

江西南昌人武舉

辛鳳閣

山東樂陵人武舉

尹懷德

直隸樂城人武舉

劉三黃

河南益陽人武生

萬世盛

湖南桃源人武舉

黃萬年

福建海澄人武舉

黃霖

福建上杭人武生

張三捷

順天大興人武舉

陳憲培

廣西貴縣人
武舉現任

正黃旗武舉
八武舉

清廷在漢軍正黃旗武舉
徐中福建浦城人武舉

楊邁安徽合州人武舉
以上千絕

吳時乘

尹雲龍

蔣以誠

姜大年

林之鳳

尹鴻祚

江朝宗

張邦寧

尹昌祚

尹永祚

王象泰

吳永祥

吳廷藩

郭宗儀

陳大倫

尹恆祚

尹京翔

楊琮

尹京畿

吳璞

郭宗汾

陳維藩

尹慎思

以上
世職

耿懋德

宋尙志

甘宏塗

何澤

王誠

徐永祺

周補原

楊濱

蔡金榜

李峻

尹雄略

王熹德

李時亮

高其垣

牛異雲

孟呈錦

高鎮

陳卓士

祝鈞

劉大綱

王公前

曹本

楊開疆

王永

韓崑來

白典貴

董世傑

張容

劉亦熊

崔承文

查拉芬

劉亨

傅光榜

馬守樸

齊懷宇

卞道焜

朱衛國

佟澤遠

陳國珍

郭九洲

任國安

張銘

黎開基

焦連登

孟鏡

朱廷蘭

以上武舉

以上隨郡

附明兩衛指揮使同知僉事世襲各職

太倉衛

汪長

南直定遠人歸附子海歷戰功陞指揮使世襲九傳至尙賢止

張永

北直灤州人從軍出征功陞指揮使世襲十傳至令聞止

鄭美

山東曲阜人歷戰功除指揮同知世襲九傳至光鉞止

馬勝

南直高郵人陣亡子福一歷戰功陞指揮同知世襲十傳至瑞麟止

王來興

山東濟寧人歷戰功陞指揮同知世襲八傳至登顯止

林得山

南直壽州人歷戰功陞指揮同知世襲十傳至有聲止

張達

山西蔚州人歷戰功陞指揮同知世襲十傳至雲龍止

熊才

湖廣襄陽人從軍除百戶子旺禦倭功陞指揮同知世襲十一傳至琳止

阿都拉爾

陝西日州人從軍有公幹功陞指揮僉事世襲為沙姓七傳至廷瑄

陳進

南直全椒人歷戰功陞指揮僉事世襲八傳至邦止

江聚

南直無為人歸附歷戰功陞指揮僉事世襲十傳至雍世止

夏道亨

南直句容人歷戰功除指揮僉事世襲十一傳至朝斌止

姚子成

南直合肥人歷戰功陞指揮僉事世襲十傳至世勳止

傅亮

北直樂亭人歷戰功陞指揮僉事世襲十一傳至霖止

王得

南直定遠人歷戰功除指揮僉事世襲十傳至嗣止

張亮

南直定遠人歷戰功陞指揮僉事世襲十三傳至天錫止

王進

定遠金州人歷戰功除指揮僉事世襲十傳至應華止

曹成

南直臨淮人歷戰功陞指揮僉事世襲十傳至觀止

呂子雲

南直懷寧人從軍子貴斬真倭功除指揮僉事世襲八傳至承周止

徐天奇

湖廣大冶人歷戰守功除指揮僉事世襲八傳至世鵬止

張成

河南魯山人歷功除衛鎮撫世襲九傳至繼翰止

張真

南直臨淮人歷功除衛鎮撫世襲十傳至履端止

卞興

南直丹徒人歷戰功陞正千戶世襲九傳至天與止

張益

湖廣襄陽人歷戰功除正千戶世襲七傳至世勳止

朱旺

南直儀徵人歷戰功陞千戶世襲六傳至世忠止

姜翼

河南祥符人歷戰功陞副千戶世襲十一傳至雲鵬止

周昂

南直合肥人歷戰功陞副千戶世襲十四傳至孫佐止

王興

南直山陽人歷戰功除副千戶世襲十傳至國棟止

魯勝

南直廬江人歷戰守功除副千戶世襲七傳至洋止

周鑑

南直含山人歷戰功除副千戶世襲七傳至永綱止

濮貴

南直全椒人歷戰功陞副千戶世襲十傳至文瓚止

文寶

湖廣江陵人歷戰功陞副千戶世襲十傳至士銘止

朱義

南直安豐人歷守禦功除副千戶世襲十傳至家楫止

戴文旺

湖廣江陵人歸附除山西平陽衛所鎮撫正統十三年改本衛世襲十傳至琳止

劉義

南直滁州人歷戰功除所鎮撫世襲十一傳至彥功止

歐二

湖廣大冶人歷戰功陞百戶世襲十傳至成名掌指揮印

石貴

南直江都人隨運遼東糧陞百戶世襲十傳至瑛止

楊

福

南直定遠人歷戰功除百戶世襲十傳至世

甘旺

南直

定遠人歷戰功除百戶世襲十傳至世

羅子正

湖廣衡陽人

歷戰功除百戶世襲十二傳至

周貴

湖廣寶慶人

歷戰功陞百戶世襲十一傳至

譚華

湖廣安化人

歷戰功陞百戶世襲九傳至之

沈任

湖廣衡陽人

歷征勦功除百戶世襲八傳至

劉興

南直蒙城人從征及隨入西洋功陞百戶世

襲十傳至天錫止

潘興祖

南直懷寧人

歷戰功除百戶世襲十一傳至

范勝

遼東景州人

歷戰功除百戶世襲七傳至承

陸興二

南直丹徒人

歸附歷功除百戶世襲六傳至

經厚

南直鳳陽人

隨征僑禦功除百戶世襲十五

傳至傳止

楊幹

南直金壇人歷戰功陞百戶世襲七傳至時

朱寅

浙江安吉人歷戰功除百戶世襲十一傳至

單貴

南直徐州人有功除百戶世襲十二傳至德

姚勝

南直江陰人歷戰功除百戶世襲十一傳開

汪良佐

南直婺源人歷征守功除百戶世襲八傳至

朱通

南直無錫人歷戰功除百戶世襲十二傳至

尙大用

湖廣辰溪人歷征討功除百戶世襲十一傳

王大才

陝西鳳翔人歷戰功除百戶世襲十傳至興

費理

南直合肥人歷戰功陞百戶世襲十傳至日

陳福

湖廣衡陽人斬賊功陞百戶世襲九傳至之

許興

南直全椒人歷戰功除百戶世襲十傳至駿

史世英

陝西洛川人歷戰功除百戶世襲十一傳至

沈富

浙江德清人歷戰功除百戶世襲八傳至應

王彬

山東膠州人從征功除百戶世襲

王麟

南直涿州人歷戰功除百戶世襲

過興

南直和州人歷戰守功除試百戶世襲九傳

胡興

山東曹縣人歷戰功除試百戶世襲十傳至

李小大

山西朔州人歷戰功陞試百戶世襲十傳至

宮恩

山西太原人歷戰功陞試百戶世襲

侯聰

湖廣黃川人歷戰功陞試百戶世襲

鎮海衛

武興

南直蕭縣人歷戰功陞指揮使世襲贈祭田

十三傳至成之止

王慶兒

山東鄒平人歷功陞濟南衛指揮僉事陣亡

王興

順天遵化人太原衛千戶陣亡子整歷戰功

孫遜

陞指揮使世襲九傳至時濟止

楊榮

山東掖縣人從征功除指揮同知世襲六傳

楊高

江西德化人歷戰功陞指揮同知世襲七傳

姜義

南直合肥人歷戰功陞指揮僉事世襲十傳

陳良

雲南宣德人歷戰功陞指揮僉事世襲八傳

李定美

北直大興人從征功除指揮僉事世襲七傳

李隆保

南直望江人龍鑲衛軍子江麟歷戰功陞指

音亮

揮僉事世襲為江姓五傳至時龍止

王不趙

南直定遠人歷戰功除指揮僉事世襲八傳

陳剪驢

南直如皋人子綱歷戰功除衛鎮撫世襲六傳至堯仁止

戚友祖

江西新昌人本衛軍以功陞百戶傳至繼爵殺倭功陞正千戶世襲七傳至金止

陳良

南直全椒人元萬戶歸附歷戰功陞正千戶世襲九傳至堯止

儲通

南直定遠人歷戰功陞正千戶世襲十一傳至夢甲止

郭聚

南直山陽人從征功陞千戶世襲九傳至恆止

徐立成

南直句容人歷戰功陞副千戶世襲十傳至瑞林止

耿諒

北直樂亭人歷戰功陞副千戶世襲八傳至秉忠止

李英

北直懷柔人歷戰功陞副千戶世襲八傳至萬鍾止

薄成

湖廣永興人從征功陞副千戶世襲七傳至士驥止

胡行

南直定遠人從征功陞副千戶世襲八傳至應龍止

張貴

江西德化人從征功陞副千戶世襲十一傳至輔龍止

蔡元一

江西德化人從征功陞副千戶世襲十一傳

王得

南直泰興人歷戰功陞副千戶世襲九傳至

施閻

北直宛平人從征功陞副千戶世襲九傳至

楊昭

湖廣黃岡人歷戰功陞副千戶世襲十傳至

牟得海

遼陽人征雲南功陞所鎮撫世襲爲呂姓十

林良

浙江平陽人歸附歷戰功除百戶世襲六傳

范楮

順天昌平人海運功陞百戶世襲六傳至國

李彪

湖廣宜城人子斌充錦衣衛役陞百戶世襲

趙保

湖廣江夏人歷戰功陞百戶世襲七傳至宗

薛友

南直合肥人歷戰功陞百戶世襲傳至振

孫旺

南直臨淮人歷戰功陞百戶世襲九傳至英

余

勝

南直崑山人運糧功陞百戶世襲八傳至希堯止

尹

佑

南直定遠人歷戰功陞百戶世襲十傳至尙元止

林

賜

福建侯官人擒姦臣功除百戶世襲九傳至敬明止

陳

朝

江西清江人歷戰功陞百戶世襲九傳至定國止

曹從龍

湖廣臨湘人從征歷功陞百戶世襲十一傳至聖止

王狗子

南直定遠人歷戰功陞百戶世襲十傳至會德止

黃 豫

南直徐州人歷戰功陞百戶世襲十四傳至起龍止

趙得成

南直儀徵人陣亡子真歷戰功陞百戶世襲十一傳至昌祖止

嚴 成

南直來安人從征功陞百戶世襲八傳至士元止

王華一

南直當塗人歷戰功陞百戶世襲十二傳至斌止

陳 聚

南直泗州人歷戰功除百戶世襲十一傳至九詔止

周善

浙江黃巖人從征功陞百戶世襲八傳至文祥止

阿都馬爾

南直山陽人子斌歷戰功除百戶世襲爲上姓入傳至萬策止

周小二

南直高淳人克繁功陞百戶世襲十二傳至雲鳳止

何滿

南直定遠人從征功陞百戶世襲十一傳至祥昌止

馬刺薩

遼陽人歷戰功陞百戶世襲八傳至繼祖止

蘇禮

南直宜興人歷戰功陞百戶世襲八傳至應昌止

程和

南直舒城人從征功陞百戶世襲十傳至雲鵬止

王興

直隸河州人歷戰功陞百戶世襲十一傳至煥德止

吳小吳

山東朝城人歷戰功陞百戶世襲九傳至祥國止

王成

浙江長興人歷戰功陞百戶世襲十一傳至可學止

王重

南直和州人歷戰功陞百戶世襲九傳至廷錫止

郭豐 河南確山人除百戶世襲七傳至世隆止

楊

昭

湖廣黃崗人從征功陞百戶世襲十一傳至

王升聞

南直江都人歷戰功陞冠帶總旗試百戶世襲九傳至學淵止

按兩衛世職在前代有防禦之責故舊志列兵防類今改附於此以備舊聞

海運考

明邱氏濬論海運略曰海運之法自秦有之而唐人亦轉東吳杭稻以實幽燕然以給邊方之用而已用之以足國則始於元焉初伯顏平宋命張瑄等以宋圖籍自崇明由海道入京師至至元十九年始建海運之策命羅璧等造平底船運糧從海道抵直沽是時猶有中灣之運不專於海道也二十八年立都漕運萬戶府督歲

運至大中以江淮江浙財賦府每歲所辦糧充運自此
以至末年專仰海運矣說者謂雖有風濤漂溺之虞然
視河漕之費所得蓋多故終元之世海運不廢至洪武
二十年海運糧七十萬石給遼東軍餉永樂初運海七
十萬石至北京至十三年會通河通利始罷海運臣考
元史食貨志論海運有云民無挽輸之勞國有儲蓄之
富以爲一代良法又云海運視河漕之費所得蓋多作
元史者皆國初史臣其人皆生成勝國時習見海運之
利其言非無徵者臣竊以謂自古漕運所從之道有三
曰陸曰河曰海陸運以車水運以舟而皆資乎人力所
運有多寡所費有繁省河漕視陸運之費省十三四海

運視陸運之費省十七八蓋河漕雖免陸行而人輓如故海運雖有漂溺之患而無牽率之勞較其利害蓋亦相當今漕河通利歲運充積固無資於海運然善謀國者恒於未事之先而爲意外之慮寧過慮而無不臨事而悔今國家都燕蓋極北之地而財賦之入皆自東南而來會通一河譬如人身之咽喉也一日食不下咽立有死亡之禍迂儒過爲遠慮請於無事之秋尋元人海運故道別通海運一路與河漕並行江西湖廣江東之粟照舊河運而以浙西東瀕海一帶由海通運使人習知海道一旦漕渠少有滯塞此不來而彼來是亦思患豫防之先計也臣家居海隅頗知海舟之便舟行海洋

不畏深而畏淺不慮風而慮礁故製海舟者必爲尖底
首尾必俱置舵卒遇暴風轉帆爲難亟以尾爲首縱其
所如且暴風之作多在盛夏今率以正月以後開船置
長篙以料角定盤針以取向一如番船之制夫海運之
利以其放洋而其險也亦以其放洋今欲免放洋之害
宜預遣習知海道者起自蘇州劉家港訪問傍海居民
捕魚漁戶煎鹽竈丁逐一次第踏視海涯有無行舟濟
道泊舟港汊沙石多寡洲渚遠近親行試驗委曲爲之
設法可通則通可塞則塞可迴避則迴避畫圖具本以
爲傍通海運之法萬一可行是亦良便若夫占視風候
見於沈氏筆談每日五鼓初起視星月明潔四際至地

皆無雲氣便可行舟至於巳時卽止則不與暴風遇矣
中道忽見雲起卽便易柁回舟仍泊舊處如此可保萬
全永無沉溺之患矣

明張氏采曰言海運利害者兩家紛紜其利則曰費省
而路逕害則曰事險而傷人利近智害近仁國計不存
焉今京師去財賦極遠取足會通一路無論意外梗去
年告旱已全漕坐困矣則邱濬彼不至此至之說亦悉
計事理王宗沐富人造屋別開旁門之喻可發深省也
但由淮入海旁門卽開倘淮以南邗溝道隔亦萬一慮
則修劉家河舊道歲通一二萬石是旁門之外且得後
戶審國事者其念諸

明張氏采論海道本末曰元時海道凡三變初伯顏建議自平江劉家港入海經通州海門縣黃連沙嘴萬里長灘開洋沿山嶼抵淮安路鹽城縣歷海寧府東海縣又經密州膠州界放靈山洋投東北路多淺沙行月餘抵成山計自上海至直沽楊村馬頭凡一萬三千三百五十里 至元二十九年朱清等復陳便道自劉家港開洋至撐脚沙轉沙嘴至三沙出楊子江開洋落潮東北行過扁担沙大洪又過萬里長灘至白水綠水經黑水大洋轉成山西行過劉家島至之罘沙門二島放萊州大洋抵界河口至直沽比舊差直 至正十三年千戶殷明略又開生道自劉家港入海至崇明州三沙放

洋向東行入黑水大洋直取成山轉西至劉家島入沙門放棧州大洋至直沽如風順由浙西至京不旬日尤便我 朝自劉家港開船出崇明平安沙小洪放洋東北行經白棘沙綠苔沙入管家洪直北至海門縣界呂四場轉東過廖角嘴是橫上再北過胡椒沙是大橫多陰沙宜勤點水所謂長灘也望白水洋東北行見官綠水一日見黑綠水正北行兩日夜是黑水洋又兩日夜見北洋綠水又一日夜正北望顯神山半日見成山如在黑水洋正北帶東行量日朗不見成山黑水多必低了望見升羅嶼西有磯如筆架卽復回望北帶西行一日夜見成山如在北洋綠水見延真島西北望山尖是

九峯山西南洋有北茶山白峯頭石礁橫百餘里激浪如雪卽開帆望東北行半日見成山成山頭絕險自放洋入黑水夾延真白峯頭轉成山所謂萬里波濤也若約略程次隨路趨避則自劉家河起經崇明過廖角嘴至大河營約程三百餘里中有大安沙縣後沙各沙嘴淺灘宜避自大河營經胡椒沙黃沙洋耐沙奔茶場呂家保關龍江淮河口至鶯遊山約程六百餘里中有黃沙洋一路陰沙關龍江口險潮宜避自鶯遊山東北遠望琅邪山至齋堂島約四百餘里中有石柏瀾胡家瀾曲伏桃花瀾宜避自齋堂島正東絲膠州靈山島東北遠望勞山前投福島約二百餘里中有靈島鼓樓圈唐

島驢鳴嘴董家灣捉馬嘴宜避自福島東避老君山望
田橫島約百五十里自田橫島繇青黃島遠望槎山前
投延真島約四百餘里中有劉家嶺及島東三孤石宜
避自延真島稍放洋轉柞島嘴北過成山頭西北望威
海山前投劉公島約二百四十里中有黑石島餓狼鴟
石成山頭殿東頭宜避自劉公島西北避黃家嘴又西
避靖子島小柞島遠望之罘島約二百餘里自之罘島
過龍洞直西望長山島西投沙門島約一百八十餘里
中有龍洞嘴灣子口抹直口金礁嘴新河海口觀音嘴
石長沙嘴石宜避白沙門島西南遠望三山島約二百
餘里中有大石瀾羊瀾椒石宜避自三山島過芙蓉島

山西投大清河約四百里中有虎頭崖東北碎石海倉口春米閘口宜避自大清河百六十里至大備河二百餘里至大沽河進直沽 遼運則沙門島開洋望北徑過砣磯山欽島沒島南半洋北半洋到鐵洋往東收旅順口黃洋川西南有礁黃洋川東收平島口外有五饅頭山進口內泊南邊一路老岸外有一孤山望成兒嶺盡頭東望有三山正中入內有南北沙帶一條相連陡岸深水可泊三山西有南山收進青泥窪西有松樹島北有孤山東北望看鳳凰山便是和尚島烽墩下占西有礁石西北有倉廟外有淺灘亂礁須避三山北看青島一路山望海駝收黃島使島鐵山往西收羊頭窪雙

島有半邊山艾子山看搭山看連雲島東北看蓋州一
路山西看寶塔臺便是梁房口進入三义河收牛庄馬
頭泊遼運以上係新開海道非洪永時舊路 回帆程
限自直沽開洋望東拋南一字行使一日夜見半邊山
便見沙門島若挑南字多必是萊州三山若挑東北行
使半日便見沙門島若挑北字多必見碇礮山往南收
登州衛北沙門島開船東北山嘴有淺可拘中望東行
使好風一日夜到劉島收入宮前劉島開洋望東挑北
一字轉成山嘴望正南行使好風一日夜見綠水好風
一日夜見黑水好風一日夜便見南洋綠水好風兩日
一夜見白水望南挑西一字行使好風一日點竿累數

二丈漸漸減作一丈五尺水下有亂泥沙約一二尺深
便是長灘漸漸挑西收洪如水竿戳着硬沙卽不是長
沙地便復回望大東行使見綠水望東行使到白水尋
長沙收三沙洪如收不得洪卽望東南行使日間看水
黃綠水浪花如茶末木夜間看浪潑如大星多卽是茶
山若船稍坐茶山往西南一字好風半朝北見崇明沙
南見青浦墩沿岸劉家港如在黑水洋正南挑西多必
是高誤前有陰沙半洋沙嚮沙攔頭沙卽是廖角嘴北
便復回住正東行使看水色風汛收三沙洪如風不便
收不得洪卽挑東南行使看水色收寶山如在黑水大
洋挑東多必低誤可見隔岸大山一座便望正西挑南

一字行使好風一日夜便見茶山如不見隔岸山又不見茶山見黑綠水多便望正西行使必見石龍山孤礁山復回望西南行使見茶山收洪後住

按海運自劉家河出口地屬州境故舊志備載始末今亦依例采入又海運富國莫盛於元前史論之詳矣但所經歷諸大洋險漂沒糧歲至數萬石多者十餘萬石士卒往往溺斃利害略相等故明洪武十三年詔有一夫航海舉家訣別事非得已憂在朕心之語夫自會通河成而海運罷以內運之至安易航海之至危其間得失不辨可知然邱濬及張志猶倦憊於此非以思慮豫防亦謀國者所當悉手至我朝規制精詳漕渠通利海運之說固當略而不論姑存其概以資考訂云爾

生員屠

奉詔
逢素校

直隸太倉州志卷二十六

人物

太倉僻處海濱自宋始有名人顯于世元明繼之
今代以功名風節學問文章見者尤不勝屈指茲
分八類以類相從撮其著者咸載於篇志人物

列傳一

太倉州

宋

龔識字默甫其先邵武人父慎儀任南唐禮部郎中拜
歙州刺史及南唐滅爲盧絳所害識始徙居於吳登宋
端拱進士吳郡士登第自識始大中祥符間李宗諤薦

擢監察御史遷殿中侍御史兼左巡使宋襲唐制御史不專言職至是始擇學術醇正操履端方者俾入臺言事識首被選後以病目累表乞退除檢校司封郎中平江軍節度副使子宗元字會之幼讀書虎邱寺爲鄉貢首選天聖中擢進士主仁和簿以父疾乞便侍養調吳縣改建安尉有能聲以薦章保任者二十有二召見擢大理評事知句容縣擿發伏姦如神楊紘持使節行部號深酷至境獨曰龔君已治吾往徒爲擾耳遂不入歷通判衢越二州官至都官員外郎謝事家居於崑山黃姑里作中隱堂時程適陳之奇皆以耆德致政于家曰爲文酒之樂吳人謂之三老宗元初官仁和知州范仲

淹深加禮重稱其文溫厚和平而有正氣謂曰君德業
清修他日必爲令器慎勿因人以進故登朝未嘗遊公
卿門卒以方潔號慶歷人材有文集十卷曰武邱居士
遺藁子程字信民平居尊古儀法家不設老佛像祭祀
不焚紙錢讀書支劬山先墓下淡泊自勵鄉人號有脚
書厨由熙寧進士歷西安丞知桐廬縣卒贈左朝議大
夫子况字濬之擢進士第文章學術與蘇過齊名號龔
蘇因其先中隱堂自稱起隱子終祠部員外郎朝議大
夫從子明之見孝友傳

鄭直字正夫幼有識度第嘉祐二年進士初授睦州團
練推官知於潛縣未赴熙寧三年詔天下陳理財省費

興利除害之策置自廣東安撫司機宜文字為書陳水
利詳見水利王安石善之五年授司農寺丞提舉與修兩浙
水利民不為便遂罷歸治所居之西水田曰大泗漚者
如所陳之說為圩岸溝滄場圃仿井田制歲入甚厚因
圖狀以獻且明前法可用復為司農寺簿遷丞預修本
寺制式號完密除江東轉運判官元祐初入為太府丞
出知温州以比部郎中召未至卒年六十六有吳門水
利書四卷行於世子喬字子高負才挺特亦為王安石
所器許後為將仕郎嗣輯其父水利書有條緒鄉里推
重謂之郊長官有幼成警悟集子升卿見治行傳

胡稷言字正思兵部侍郎則之從子少學文於安邴得

古法長有志節著時議獻范仲淹仲淹稱之既從胡瑗
學遂精經術以特奏補官調晉陵尉歷主鄞縣簿山陰
丞以不能究所施乞致仕於塗松築小圃自比靖節種
五柳名其堂淡然寡慾獨喜延引後輩年八十餘卒子
嶧見隱逸傳孫百能字少明紹興進士知衢州江山縣
有惠愛乾道初授諸王宮大小學教授方嚮用力請老
授左奉議郎賜緋衣銀魚致仕歸築堂曰宜休

元

朱文德任太尉府長史丁父艱遂不仕扁其西齋曰可
聞弟士英任濟寧府同知卽引退人兩高之

顧德號可軒繇崇明徙太倉課耕耨用事親極甘旨讀

書恥營進延祐初州遷太倉廟學未建德捐椒園地八畝成之卒趙孟頫銘其墓子信字善夫性好儒雅工書從孟頫遊凡得孟頫手蹟必勒諸石構亭以覆顏之曰墨妙歷官杭州軍器局提舉

明

秦約字文仲至正間官崇德州教授洪武初應召試慎獨箴授禮部侍郎以母老辭歸再徵詣京師上疏陳書院書堂義學當依舊制修舉守令選不同常調請別立科四十受職百日舉代郡邑三年上計與志書同進備國史徵采上悅以約年老難劇任命授五百里內儒官得溧陽教諭御史練則成待制吳沈薦約宿學遺老合

在館閣不報任漂陽八年請老歸卒祀鄉賢祠

陳潛夫字振祖初名潛以字行本錢塘人移居太倉性端雅善聞引後進洪武六年爲邑訓導陞國子監學正卒祀鄉賢祠

盧熊字公武觀子少從楊維禎遊有學行精六書元季吳縣教授明洪武八年以秀才舉或曰以故官廼遣至京除工部照磨用能書授中書舍人轉知兗州時太師李善長營魯王府又浚兗州河熊經度就役會簿錄刑人家屬事坐死籍其家篋中惟餘麻桌上深悔之熊嘗疏州印篆謫忤旨至是竟得罪子彭祖字長嬰洪武末薦授武康丞永樂初爲禮部主事坐事謫阜城爲民尋

徵詣行在冠帶聽用以疾卒彭祖學不事文飾務適用
有父風孫瑛登進士

張洪字宗海號止菴本姓侯生五日母亡父遊燕不歸
鞠于張氏十歲能默誦詩書十一補諸生及二十一歲
坐隣人累戍雲南帥臣延教其子會木那才于孟逐其
主思倫法詔三司議撫勦洪言于都司曰倫法擁三十
六甸之衆入我郊保走都督誠有輕中國心軀于定邊
之役羈縻至今今其下叛亂天贊我也然而襲我冠帶
有急不救不仁有亂不匡不義盍附順討逆納故酋使
復其所及其未定裂宣慰司爲二彼無國而有國德我
必甚瓜分則勢衰不敢復與中國爲難矣西平侯沐春

善其策奏行之遂捕斬刁于孟立其子爲宣慰仍納倫
法于麓川事平以通經薦爲靖江王府教授永樂初授
行人副使使日本二年使吐蕃飭茶馬之政四年使遼
東其年秋緬甸宣慰那羅塔殺孟養宣慰刁木且而并
其地洪奉詔往諭那羅塔返侵地立孟養後那羅塔初
不服洪責其大不敬并擅殺宣慰罪示朝廷威德曉以
禍福那羅塔氣懾謀置毒洪覺之趣具牲牢遲數日烹
從行七十人得俱免凡六往返乃與其使陶孟洛霞復
命會交趾未定事旋寢以薦入文淵閣修永樂大典克
副總裁官陞行人司右司副洪熙元年進翰林院修撰
贈其養父如其官宣德初預修太宗仁宗兩朝實錄五

年乞致仕卒年八十四洪謫戍十五年登朝三十年使車所屆東及日本西竟洮岷南抵緬夷北極遠海往返

四萬餘里以其暇爲文章敷腴典則所著載藝文志

按常

熱志載洪贊沙溪郁氏幼撫于鄰張炯則爲婁人明甚又洪家居屋敝作東與東橋徐氏乞柴蓋之有羊一頭乃縣令爲鄉飲送者與種竹人家換竹作椽其高風如此

陳濟字伯載弟洽字叔達其先有可山者由浙江樂山避亂平江樂雙鳳土風遂爲里人濟入籍武進讀書過目成誦嘗以父命如錢塘家人齋貨以從比還以其貲之半市書口誦手鈔十餘年盡通經史百家之言永樂初詔修永樂大典用大臣薦以布衣召充總裁繙私庫書數百萬卷發凡起例區分鉤考人有所疑問應口辨

析書成授右贊善性謹慎皇太子禮重之五皇孫皆從
授經濟懼盛滿彌自謙益所居蓬戶葦壁蔽風雨而已
爲文根據經史不事葩藻嘗云文貴如布帛菽粟有益
於世爾居職十五年而卒年六十二洽好古力學與兄
並有名洪武中以善書薦授兵科給事中嘗奉命閱軍
一過輒識之有再至充冒者輒叱去父成五開歿洽奔
喪會蠻叛道梗冒險行負父骨以歸建文中以薦起
文選郎中永樂初擢吏部右侍郎改大理卿安南兵起
命洽赴廣西遂贊軍務主饋餉安南平轉吏部左侍郎
還朝兼署禮部工部事七年復參張輔軍討簡定平之
還從帝北征練兵塞外九年復與輔往討陳季擴居五

年進兵部尚書留贊李彬軍事仁宗召黃福還以洽掌
布按二司中官馬騏貪暴反者四起而榮昌伯陳智都
督方政不相能寇勢日張洽上疏言之宣宗降勅切責
智等命成山侯王通往討洽仍贊其軍進師應平次寧
橋洽言地險惡恐有伏宜駐師覘賊通不聽磨兵徑渡
陷泥淖中伏發官兵大敗洽躍馬入賊陣創甚墜馬左
右欲扶還洽張目叱曰吾爲國大臣食祿四十年報國
在今日義不苟生遂自刎死事聞贈少保謚節愍官其
子樞刑科給事中

夏景字仲昭父亮因方國珍亂家殲焉母攜以逃舅氏
雙鳳里朱因冒其姓少爲諸生御史范敬先行學口占

詩句試之應聲而荅縣令芮翀待以賓禮年十三受春秋於訓導盧從龍從龍因太守姚善坐死諸生皆避景獨不去永樂中成進士改翰林院庶吉士以善書召見令備顧問又直東宮眷顧優至初名昶太宗曰日宜在永土因改其名後駕幸北京仁宗監國令景與舍人朱孔陽秀才凌宴如俱直東華門授中書舍人及登極直文淵閣宣德間陞吏部考功司主事仍典文翰正統初纂修兩朝實錄書成賜白金文綺尋詔書皇陵碑加承德郎出知瑞州瑞古筠州地嘗訪蘇轍東軒新之景泰三年朝京師陞太常少卿英宗復辟進正卿時年七十引禮致仕又十三年卒于家賜葬迎鍾浦

按水東日記云景又善書

竹石亞於王紱人謂畫竹一枝直金一錠與上元張益同中進士同以文名同善竹其後景見益石渠閣賦自謂不如遂不復作賦益見景兄昺字孟暘亦善書爲永所畫竹石亦遂不復畫竹焉

寧縣丞坐事戍隆慶景旣被遇太宗一日問書所傳以兄昺對卽命馳驛入見試書稱旨授中書舍人景子鉞當得廢讓於季弟鐵次子鐸字文振以字行嘗進其父書景帝命入中書累官舍人大理寺右寺正景爲人篤倫誼吳中稱孝友必曰夏大卿家

吳凱字相虞父公式早亡遺腹生凱幼時里胥召之役乃詣縣陳有母難遠離願畢學知縣芮翀許之尋補諸生貢人國子監永樂十八年中順天鄉試授刑部主事獄上盜二一斃一且病所連六人凱恐并死無從質乃

謹療病盜後得真釋所連者改禮部主客司以母老乞歸家居四十年非公不至官府屢薦不起以老壽卒里人私諡貞孝先生葉文壯公盛重之常曰鄉里作官先輩當法吳丈後輩當法蘊章蘊章謂崑山孫瓊也子愈字惟謙成化十一年進士授南京刑部主事歷員外郎中初凱起家刑曹每爲愈言折獄之道愈在部緝閱舊牘遂精法律一時奏讞咸倚以決出知叙州府慶符盜劫縣治令誣報二十七人抵死愈疑之乃詣縣辨審惟二人真盜乃縱釋二十五人後果獲餘盜土官安鰲以馬湖叛與叙連叙臺司徵大兵會叙鰲棄城走衆慮其糾諸夷爲亂愈曰彼以郡守將兵接戰勝負未可知旣

離巢穴一窮虜耳諸夷皆其仇又何能爲因遣人襲執之自是馬湖改置流官後其黨復劫府印爲亂愈親抵其巢諭之遂獻印解散在叙九年遷河南叅政致仕歸居林下二十五年卒年八十四生平喜賓客得後進心女三人歸陸伸文徵明一歸王氏生子同祖皆名人

徐牧字養正其先台州人曾祖伯興爲崑山州學正因家焉父壽字大同讀書善醫長於鍼灸有孝稱牧繇宣德十年舉人任青田訓導轉嘉善教諭分典省試凡三陞岷府紀善進長史致仕行止有法爲時所重

張汝昌字仲光正統六年舉人爲大名府同知考滿待選卒于京汝昌能詩書法做宋克爲人慎密有尤之者

常自責因號求已生作歌見志居官廉子孫衣食不給
陸景字孟昭常熟縣學生景泰二年進士歷官刑部郎
中央獄明恕能以文學飭法嘗慮囚畿內活擬死者九
人後出爲河南山西按察使僉事陞福建布政使參政
巡視海道先是有通夷商船掠殺人景至迹所在得之
並及其黨漳泉二郡水鬻城築隄免水患未幾被讒歸
平居不謀生產所至必飾齋居蒔花竹客過觴咏良辰
張燈合樂皆咄嗟具爲郎時卽京邸築清風館罷歸作
賜閒堂其得公卿間聲譽及受謗皆因此然性長厚見
一丐者爲童時友持手延坐留數日爲買居宅生計在
刑部錄囚見重囚囊一木爲鼠所嚙憫之買數猫置獄

中遂爲例卒葬丹霞塢姪孫瑚嘉靖元年舉人由玉山知縣陞南京御史力持風紀忤相嵩意外轉思南知府高宗本字茂卿景泰五年進士爲監察御史巡按河南豪右歛迹清軍四川摘發姦匿洗白寃者及湖廣城步縣劇賊爲亂宗本爲監軍民不告擾後又奉敕整飭寧夏等處軍務劾征虜前將軍李杲行師不律杲竟坐免出爲河南副使訟獄多平反以病解職卜居揚之江都自號江淮逸叟

顧以山字安道初爲吏員負志讀書因入京辦事順天鄉試天順元年成進士除監察御史九江盜起都御史高朋用以山謀不旬月擒其渠歷官河南布政司副使

鈞州盜劫官帑同官所讞失實獄成以山察非辜姑緩之卒獲真盜平反二十八家終陝西布政使叅政所至稱廉能及歸隱于鄉貧不給志行彌厲

丁輓字用行天順三年舉人授武定州學正時武定學者多弗循矩輓率以身教成就甚衆九年陞南京國子監助教爲祭酒王喫取重轉監丞時祭酒陞代或以故去輓權園子事六館諸生多愛敬之卒于官

馮鈇字仲舉少孤每時祭輒嗚咽不勝悲聞里感之中天順六年鄉試授永州東安縣教諭永州地僻陋人不知學鈇設程限以身先之士皆感奮滿秩將奏績故事教官授鄉試聘得上考或謂何不少留鈇曰已及瓜而

寬之如詭遇何而不聞得失有數耶竟左遷貴溪訓導
嘗校文河南江西兩榜稱得士有權貴來闕說錢唯唯
既竣事無駭其人以問謝曰偶忘之耳其和而不流如
此子琨字君美以成化二十二年舉人授永康縣教諭
遷知薊州薊州民以牧馬爲耕作每戶承馬若干匹給
草場若干畝而勲戚貴璫有盡攘其地爲奸利者琨至
按籍覈之盡還本戶馬用蕃息被譖逮詔獄琨列主名
幾何影占幾何分別以上孝宗是之詔復職武宗卽位
前憾者附劉瑾詔下錦衣獄杖八十械街彈所吏部尚
書許進使人慰之使者顧視街彈左右提盃挈壺纍纍
皆薊州之民有僧故昵於瑾私語曰馮太守第飲薊州

一杯水非民見餉卽圓土死耳瑾愕然復還薊州尋遷
杭州府同知再遷兩浙運副擢登州府知府清操彌勵
屬有高第者簞簞不飭劾奏免之東土肅清後罷歸林
居二十年足跡不入公門

陸鉞字鼎儀天順七年會試第一廷試第二授翰林編
修預修英宗實錄書成遷修撰孝宗在東宮鉞侍講讀
進退閒雅敷奏明暢最爲得體及卽位進太常少卿兼
翰林侍讀充經筵日講官將進講以病乞歸卒于家詔
賜葬祭官其子鉞清潔有志操寡交與學問淹雅每國
家有故憂刑于色病亟以東宮舊人猶具遺草言事不
及上中外惜之子爰字子引宏治十二年以蔭授中書

科中書書法端勁嘗奉詔使江南冊封襄王府餽贈一無所受正德三年以忤劉瑾歸瑾誅李東陽薦復舊職擢禮部儀制主事踰年病卒

張泰字亨甫本姓姚氏曾祖瑞代晉陵張某戍太倉衛遂冒其姓泰生而秀穎天順六年進士改翰林院庶吉士授檢討進修撰爲人坦易有風度衣縷蕭散恬靜寡言然嫉惡甚酒酣岸幘憤烈劉定之深服其文詩名亞李東陽時號李張書法亦翩翩可愛少與陸欽陸容齊名世號婁東三鳳

陸容字文量少爲諸生葉盛深奇其器識每以范文正行業期之成化二年舉進士除兵部職方司主事嘗奉

使籍畿內河南山東諸郡縣官馬還條馬政切於民患者四事累陞郎中時邊報急封事日或三四上所下部議多出容手安南與占城閱議發兵討之西蕃進獅子奏請大臣往逆容俱力論得浸指揮昌佐傳陞金齒騰衝參將力爭不與錦衣百戶韋瑛掩捕平民告變容請詔鞠之瑛坐誅初捕妖言者例得陞官世襲愚民多被誣死容疏除其例母喪服闕赴京言太倉兵衛八事採其尤切者通行天下仍除武選郎中太監李良舉都指揮王欽梁宏爲都督僉事命已下容謂都督任重不宜任無功况于匪人李良市恩專擅當正典刑疏再上卒奪所授既復極論天下事曰儲養台輔教導勲戚愛惜

人才久任巡撫經理京衛選練禁兵均平鈔法慎重會議有人所不敢言者疏下當路躓之出爲浙江布政司右叅政容益練核庶事徧歷郡縣問民所苦斥濫祀陳浙中急務十事又疏論漕渠利病語觸權貴布政使雍泰亦銜之大計誣以失察侍史受賍罷歸踰年卒性至孝母卒當嚴寒容年過五十猶徒跣搨踊勺飲不入口者三日其居喪三年不入內未嘗見其談笑治家嚴肅燕居冠服惟謹每食子弟侍立命乃坐平生嗜書籍多著述子伸字安甫宏治壬子領鄉薦遭父喪取父所著編次刻行服闋學正以禮賀伸爲書辭之曰人子免喪從吉束於禮與制爾至於終天之病雖沒身詎能忘也

近見士大夫家從吉每相慶賀恬然行之若以釋喪爲
幸者豈非非禮之禮乎且婚禮至嘉猶不賀若從吉而
賀則禮無其文矣無文則將何辭而行乎借曰禮緣人
情則人情莫苦於早孤者吾哀而矜之可也以爲善而
賀之烏見其可乎公等將以正流俗則必能審於此矣
又嘗作冠禮荅問二子更名記一時莫不韙之知州棗
陽李某請修州志伸謝曰志者一方文獻史稱虞世南
豫修書虞荔虞寄得佳傳至今訾之先子州人予何以
執筆因固辭伸縱覽羣籍日以修學著書爲事自先世
積書數萬卷每書必疏其略於下方間有考證亦隨筆
之人以書惠必計諸籍籍名嘉惠蓋以表所好在此雖

車馬金玉弗嘉也正德二年登進士尋有匿名奏草指斥劉瑾瑾傳旨窮治仲竟卒于獄士類哀之嘉靖初追贈評事

顏箴字克和成化元年舉人選昆山縣學教諭歷陞國子監助教南京翰林院檢討仍管南監助教事致仕箴事親孝待叔季友愛教學不專於文造次皆有法度在國子時祭酒邱濬稱爲敦篤爲已之士初從學於陸容時箴長五年執弟子禮容歿箴追述年譜以傳

胡承字安節父母早歿育於兄沓成化四年舉於鄉二十三年成進士明年宏治改元簡進士分傳諸親王除翰林檢討充益王府講官尋陞左長史承夙有文學持

正不阿在府隨事規諫事無大小聽承參決以護衛軍
多倚勢漁奪王受承指懲其尤衆遂輯又民苦遠汲捐
私錢築城中數井北境山路爲行旅病復平治崎嶇亘
二十里民德之以疾請老王勉留竟卒于官子福字祖
裔年十三讀綱目長編通記無遺者爲文簡古以歲貢
生授河間府訓導不得上官罷貧至饑餓賴朋舊周卹
卒自守無濫取者

姜昂字恒頰成化八年進士知棗強縣爲治清簡嘗經
月不撻一人盜賊亦解散三年以報最赴召路遇盜盜
魁見縣封叱其偵事者曰我知棗強清官豈有長物奈
何犯之環拜而去至都授監察御史時方士李孜省貴

幸多奸利率同官劾奏之忤旨杖午門外尋以親老請
改南京出知河南府歲旱昂至雨亦至人稱姜公雨又
劾縣之不飭者諸屬廩廩奉職河南大治藩府人犯法
直決遣王有言謝無及而已建巨木橋於灑水以濟渡
又修范仲淹及子純仁墓於洛陽縣錦樊里萬安山下
公暇閉戶讀書復以母老乞近郡就養凡三請得調寧
波覈吏治如河南削鄞縣供億費歲省萬金日本使臣
道出四明橫甚及境皆斂手市舶中貴怙勢昂裁以禮
亦媿服在任踰年作無事亭以見志進福建布政司左
叅政不赴請終養母服闋以疾卒于家昂在官日市肉
供母而自食菜茹子弟學書不聽用官紙筆家居室不

蔽風雨非歲朝未嘗燕客饗殮時乏則磨麥作糜充食

鄉人呼爲姜麥粥焉

按湧幢小品云木橋易敗易以石而得久者唐李昭德之於洛陽也

石橋易敗易以木而得久者明姜昂之於灑水也易橋

事州志失載惟書其會知河南府考灑水自洛陽穀城

入洛正邇河南府治又宋魏國范文正公葬于河南府

治洛陽縣其子許國忠宣公及侍郎以下附焉昂知府

事會加修治而州志亦遺之張采州志予所居卽姜

公舊宅公以麥粥著余得飽飯且閒食肉公子龍多宦

蹟余獨善病公父子俱以建言杖厲風節余惟自好存

媿茲地矣今草堂前二古桐云是公手植老幹如虬松

每加培養以當瞻仰但公成進士以成化八年公子以

正德三年余以崇禎元年爲形家口賈云又按元亭

問話云先生爲寧波守述職以方正學集贊見某冢宰

門者不報候考舍旁舍人問所贊以交集應旁舍人曰

不得入矣因歷數某守見金幾多先生拂衣去復任未

幾吏部別選代先生聞報卽日納印綬歸後以公論不

容陞福建參

政堅不起子龍字夢賓正德三年進士歷官禮部儀

制司郎中時寧王宸濠蓄不軌以三事請一曰益護衛

兵二曰撫按等官不得行出使禮三曰乞於浙江遴選
官嬪龍白尚書淺其議正德十四年武宗將南巡率同
官諫止罰跪五日杖幾死黜爲建寧府同知多惠政尋
遷雲南按察司副使兵備瀾滄姚安等處滇土司故盜
藪龍讓其首曰爾爲世官而縱盜受賂乎酋懼請自效
又單騎至夷箐撫諭之郡盜泣聽命有巨盜方定旣降
而貧妻妾交諍之定不忍負龍遂飲藥死南安州盜聚
千人御史且徵兵龍以一檄先之三日盜散畧盡四川
鹽井刺馬仁雲南麗江和哥仲二酋讐殺積十年龍設
法撫諭皆願罷兵大候州土官猛國恃險肆暴龍擒之
鄧川州舊多水患屯田皆廢龍指示方畧築隄捍禦水

不能災凡山川襲南詔時岳瀆號悉革正在滇四年蠻
漢大和鄧州創三正人祠祀袁州郭紳莆田林俊其一
則龍也嘉靖五年春罷歸滇民聞之哭聲載道家居二
十年從容詩酒而歿龍博覽書史及星歷醫卜天文地
理下至稗官小說莫不通曉所著載藝文類

張敬字直夫幼端重從張泰遊成化十年舉人授蠡縣
教諭蠡俗陋無鄉舉敬教其子弟遂多通籍者歷重慶
教授國子博士與修憲孝兩朝實錄遷趙王府長史輔
導醇謹王遇之厚居數歲以疾卒官

王倬字用檢成化十四年進士授山陰縣知縣以憂去
補餘干屢決疑獄會贛州賊殺信豐令檄倬往勦賊據

山險墻石雨下莫敢進倬夜縱羊千頭行山下從鼓噪
賊亂投木石比曉殆盡亟進兵逐之改蘭谿因積連繫
者盈獄倬至凡赦前者與蠲除餘爲期以次輸足胥吏
皆斂手擢南京山西道監察御史劾文選司郎中貢欽
貪汙及太監楊某恣縱罷之時邊警詔以平江伯陳銳
充總兵官倬言銳非統御才必僨事已果無功出爲貴
州兵備副使旋改廣東瓊州兵備時生黎爲梗在崖州
千家村者尤橫倬聲言發兵屢移師期乘賊怠襲破之
散其巢三大村勢遂弱奏建守禦千戶所進廣西按察
使又進廣東右布政使會破臨賀砦餘賊匿山谷衆欲
乘勢殲之倬不可論其長悉降改四川右布政使時大

盜藍鄆逼成都衆議焚四郭民居倬曰是張之也開城門嚴兵以待之賊不敢近總督彭令具馬二萬緩且從軍法州縣猝不可當倬匿總督檄令各鄉馬俱入城避賊不數日馬足彭又需熟糧四千石期以明日日中倬督市戶分道抵軍遂無悞尋拜右副都御史整飭薊州邊備兼巡撫順天等處屬邑大饑請通州倉米十萬賑之恐轉輸遲民不及待因先給官軍兩月糧俸許益以餼直而以米給賑饑民全活萬計總兵太監合兵屯馬蘭峪以禦邊倬策曰敵知我屯西必東入擣我虛令指揮葉鳳覆兵山下以待敵果毀東墻入伏發斬獲無算悉徼其被鹵男婦歸進南京兵部右侍郎旋以七十請

老三上疏給驛還里仍飭有司存問歸叔家廟又割田千畝仿范氏義莊以贍族人卒年七十五子惇字民廉嘉靖二十年進士授行人遷御史皇太子出閣疏以武宗居青宮爲戒又劾罷東廠太監宋興出視河東鹽政以疾歸起按湖廣復按順天二十九年俺答劫古北口惇奏言潮河川有徑道一日夜可達通州因疾馳至通爲守禦計盡徙舟楫之在東岸者夜半寇果大至不得渡遂壁於河東帝廉知狀大喜擢右僉都御史駐通州軍餉及寇退惇請賑難民築京師外郭修通州城築張家灣大小二堡置沿河敵臺皆報可尋召還三十一年出撫山東甫三月以倭寇亟命惇提督軍務巡視浙江

及福興漳泉四府先後上方畧十二事任叅將俞大猷
湯克寬又奏釋叅將尹鳳盧鏜繫賊犯温州克寬破之
其據昌國衛者爲大猷擊退而賊首汪直糾島倭及漳
泉郡盜連巨艦百餘蔽海至濱海數千里同告警悞嚴
令將士逐燬其船五十餘艘尋改巡撫悞方視師閩中
賊復大至犯浙江御史趙炳然劾之帝特宥悞悞因請
築嘉善崇德桐鄉德清慈谿奉化象山城而恤被寇諸
府時已遣尚書張經總督諸軍大同適中寇督撫俱被
逮乃進悞右副都御史巡撫大同秋防事竣加兵部右
侍郎薊遼總督進右都御史悞言騎兵利平地步兵利
險阻今薊鎮盡地守請去他郡防秋馬兵八千易之以

步歲省銀五萬六千餘兩從之打來孫十餘萬騎深入
廣寧諸虎總兵官殷尚質等戰歿未幾復以十萬騎屯
青城分遣精騎犯一片石三道關總兵官歐陽安拒却
之而把都兒等又犯遷安副總兵蔣承勛戰死降忬兵
部侍郎留任初帝器忬才甚眷之及所部屢失事因論
嚴嵩與丘部計防守之宜嵩奏流河口邊牆有缺故寇
乘之入宜大修邊牆且令忬選補額兵操練戰守不得
專恃他鎮援兵部條六事如嵩指帝乃下詔責忬實主
兵減客兵於是練兵之議起時寇別部入瀋陽有鄉兵
金仲良者禽其長討賴忬賚銀幣官仲良三級防秋畢
復忬官尋用瀋陽却寇功廢一子已而寇復入遼陽副

總兵王重祿敗績帝置怵不問治他將吏如律初帝從楊博言命薊鎮入衛兵聽宣大調遣怵言古北諸口無險可守獨恃入衛卒護陵京奈何聽調發帝怒曰曩令薊鎮練兵今一卒不練遇防秋輒調他鎮兵兵部詳議以聞部臣言薊鎮額兵多缺宜察補乃遣郎中唐順之往覈還奏額兵九萬有奇今不足又皆羸老宜按治乃降怵俸二級帝因問嵩邊兵入衛舊制乎嵩曰祖宗時無之自怵始因以言激帝帝由是惡怵二十八年二月犯都兒辛愛數部屯會州挾朵顏爲鄉導聲言東入怵遽引兵東寇乃由潘家口入渡深河西而大掠遵化遷安薊州玉田駐內地自御史王漸方格遂劾怵
張采志方

格受耶然耶言竹道
捷負上恩遂違詔獄
下詔獄論斬方逮時忬遣將破虜
獲級八百餘相嵩故不報明年冬竟死西市忬才本通
敏其驟拜都御史及爲督撫皆帝特簡後嚴嵩雅不悅
忬而忬子世貞復用口語積失歡於嵩下世 蕃楊繼盛
下獄世貞時進湯藥爲其妻作訟寃既殺世 殮之又
經紀其喪嵩父子大懼灤河變聞遂致忬死穆宗卽位
世貞與弟世懋伏闕訟寃寃復故官予卹世貞字元美年
十九嘉靖二十六年進士授刑部主事世貞好爲詩古
文與李攀龍宗臣梁有譽徐中行吳國倫輩號七子相
倡和紹述何大復李夢陽名日盛屢遷員外郎郎中姦
人閻姓者犯法匿錦衣都督陸炳家世貞搜得之炳介

執政以請卒不許吏部兩推提學皆不用用爲青州兵
備副使父忬繫獄世貞解官奔赴與弟世懋日蒲伏嵩
門涕泣求貸嵩陰持忬獄而時爲謾語以寬之忬竟死
兄弟持喪歸蔬食三年不入內寢旣除服猶却冠帶其
履葛巾不赴宴會幾十年隆慶初兄弟旣伏闕訟父寃
言官薦起之世貞堅意不出惟陳法祖宗廣推德意昭
爵賞練兵實等八事應求直言詔不允令以副使涖大
名遷浙江右叅政山西按察使母憂歸服除補湖廣旋
改廣西右布政使入爲太僕卿萬歷二年九月以右副
都御史撫治鄖陽數條奏屯田戍守兵食事宜有奸僧
僞稱樂平王次子奉高皇帝御容金牒行遊天下世貞

曰宗藩不得出城而譎張如此必僞也捕訊之服辜張居正枋國以世貞同年生有意引之世貞不甚親附所部荊州地震引京房占謂臣道太盛坤維不寧居正婦弟辱江陵令世貞論奏不少貸居正積不能堪會遷南京大理卿爲給事中楊節所劾卽取旨罷之後起應天府尹復被劾罷居正歿起南京刑部右侍郎辭疾不赴萬歷十三年起南京兵部右侍郎先是世貞爲副都御史及大理卿應天尹與侍郎品皆正三通理前俸得考滿蔭子比擢南京刑部尚書御史黃世榮言世貞先被劾不當計俸據故事力爭世貞乃三疏移疾歸二十一年卒于家世貞始與李攀龍狎主文盟攀龍歿獨操柄

二十年其持論文必西漢詩必盛唐大歷以後書勿讀
晚年攻者漸起世貞顧漸造平淡病亟時劉鳳往視見
其手蘇子瞻集諷翫不置也世貞自號鳳洲又號弁州
山人其所與遊者大抵見其集中各爲標目曰前五子

後五子廣五子續五子末五子云

按張采志世貞精吏
事遷青州兵備副使

俠盜探丸殺人有司不能制世貞集丁壯教射飭保甲

立三等捕格盜發常時獲上賞未幾境次之力拒者次

之盜起其地不覺察經其地夜巡不傳捕罰縱盜逸立

斃期年盜散又時盜劫錦衣衛陸炳於都不得賊後濟

南獲房四者妄承之世貞知其枉因訊陸公何狀曰髻

而肥世貞笑云非其房搏穎服宥之部民雷齡以捕盜

橫萊離間海道宋其購之急匿王尉家宋屬世貞世貞

以計恐尉尉驚卽出齡世貞曰汝當死第執所善某盜

來生矣命王尉借得某盜請宋寬自自用之頗得其

力徐進道蓄亡命徒不獲勒兵且反世貞召其友李卿

約獻進道則不死無何卿報進道所在遣二十騎擒得
以一騎入營黨立以大名俗糜民間吉凶事姻族輒彌

月飲食多破家世以爲定喪婚式一年遷浙江參政湖
州入兩粟踴貴世以捐俸倡募民入粟抵冬報得粟三
十萬石又疏乞改折十五萬石湖得無饑其吏治類如
此然其性自好當路相引重不肯應正位六卿間退日
多世懋字敬美十歲病瘵父憐之不強以學乃私習爲
文章弱冠入太學嘉靖二十八年成進士未幾遭父薨
與兄伏草土者幾一年時從元美爲詩歌相勞苦海內
慕之呼小美隆慶初從兄白父寃二年以薦授南京禮
部主事歲餘擢禮部儀制員外郎內艱服除補祠祭司
郎中踰年遷尚書司丞時臺臣傅應楨劉臺論張居正
得罪世懋數左右之居正怒出叅議江西又明年進副
使理驛傳改陝西提學副使請急歸後居正卒起浙江
提學辭再起福建晉布政使叅政擢南京太常寺少卿

萬歷十五年病跡卒年五十三世懋負文名立身嚴正
在南京禮部時純國公有兩庶子長邦瑞弗愛愛邦寧
欲立之時邦寧與鄭氏已冒封而邦瑞循例襲封當先
入國學或說祭酒返其牒尙書林某無以難也世懋奮
筆爲移文言鄭氏未受封生邦寧則均庶庶均宜長有
國法在遂卒嗣邦瑞署江西按察使南昌令用苛察當
上官意後益驕橫世懋盡發其奸聞者快之嘗閱訊牒
一字異前讞呼取較之舞文窮治抵罪省屬皆懾之
臨歿遺兄書云願廟堂勿固寵勿近小人勿聽讒搜人
過諸君勿偏見勿立黨勿私報復卽死無憾矣語不及
私世貞三子長士驥字罔伯萬歷十年鄉試第一十七

年成進士授兵部主事改禮部儀制司時儲位久虛有以冠婚及期請者上允行士騏爭以先册立而後婚冠祖制不可違上復遲疑執政以諷士騏士騏曰某禮臣也知有禮而已堅抗不奪未幾册立旨下歷文選稽勳司郎中時沈一貫爲首揆士騏故一貫門下士然迫清議不爲附和一貫與之會得匿名書言傾儲事事連士騏取中旨削籍後光宗錄國本功追贈太僕寺少卿士騏字房仲工制及義古文詞世貞特奇愛之爲諸生廕入太學父歿時傳有海警士騏以兵曹在假鳩衆習射捍衛鄉井士騏更招聚村勇角藝於家或以招納亡命譖之當路下檄捕治既得釋士騏自負累坎壈不平之

氣悉寓諸詩歌識者謂有隱痛焉年三十六卒士駿字逸季與兩兄齊名爲諸生試輒高等九善汲引後進一時才雋多出其門卒年僅二十九世懋子士駿字閑仲萬歷二十二年鄉試亦有文名

陳愷字企元成化二十年進士授兵部武選司主事歷郎中前後十四年不離武選一意奉公斷絕私謁杜門自守時議武臣世襲徒坐耗凡旁支及犯罪不得襲愷謂法太過白于尙書馬文升凡同宗出自立功者授職作奸穢職者本支則坐有武官子未及承襲犯強盜死其弟幼子例犯強盜者子孫不得承襲愷以爲兄爲盜且未授官弟固非爲盜者子孫宜視父職降一級文升

上卷之三十一
三
隨其議奉爲令會詔大臣各舉其屬文升遂薦愷材可
備方岳之任會暴疾卒

郁容字宏德成化二十年進士除刑部廣東司主事精
于法律都御史秦紘與安遠侯柳溥訟久不決容讞之
直紘後容至南都紘已爲戶部尙書避不往見陞員外
郎忤內侍調通判撫州遷知澧州陞雲南按察使僉事
分巡安普道所部產金金戶銷礦率有例入容禁絕之
劇盜阿則爲亂容以計散其黨遂成擒民夷讐服奔母
喪歸卒子勲字元績宏治九年進士授湖廣華容知縣
居官持正時劉大夏居東山善勲有東山倡和集卒于

官

王秩字循伯成化二十三年進士授永康知縣永康賦稅多不平秩履畝計實民大悅服入爲南京兵部主事遷刑部員外郎劉瑾方用事凡外任入爲京朝官者例有餽不應亡何遷廣東按察司僉事巡按御史某瑾黨也侵秩秩卒不屈被檄勦廣西蠻寇威名頓起陞江西兵備副使遷按察使會桃源大盜起副使周憲死之秩被甲躍馬冒矢石立斬害憲者搗其巢且誡軍衆毋屠戮全活甚多寧王宸濠折節爲恭至欲請其子與婚秩遜謝之而私于人曰寧邸志滿氣揚陰養任俠姦人不出十年江右必騷動尋擢雲南布政使予告侍養因哭其師之喪遂卒

朱稷字相之居塗松有才幹子弟多從學舉子業宏治三年中進士爲工部主事推蕪湖稅以勤致疾年四十五卒于官有司經紀成殮人傳其清德

周在字承德父勉見孝義傳在早孤力學遵父遺言置田八百畝給族之貧無養孤無教者又立義塾建綏成祠祀始遷祖而以族人無後者祔焉由宏治五年舉人選授廣西養利州知州未赴以疾致仕後遷崑山卒在言貌有古人風尤善楷書整勁類其爲人子復俊嘉靖十一年進士官至太僕寺卿

毛澄字憲清宏治六年進士第一授修撰預修會典成進右諭德直講東宮敷奏明暢孝宗聞之大喜方中秋

夜置宴卽徹以賜進左庶子武宗立直經筵以母憂歸服闋還朝進侍講學士再進學士掌院事歷禮部侍郎十二年五月晉尚書其後帝常徵行旣又出居庸幸宣府久留不返澄頻疏諫悉不報明年帝自稱威武大將軍朱壽統六師巡邊澄復偕廷臣上疏不報十四年二月帝將南巡澄等復偕廷臣上言因歷陳五不可亦不報宸濠反江西帝南征駐蹕留都者踰歲澄屢請回鑾及駕返通州用江彬言將卽賜宸濠死澄據漢庶人故事請還京告郊廟獻俘行戮亦不從中官王堂鎮浙江請建生祠西番闡化王使者乞額外賜茶九萬斤澄皆力爭不聽王瓊欲陷彭澤澄獨白其無罪武宗崩澄偕

大學士梁儲壽寧侯張鶴齡迎世宗於安陸既至將謁見有議用見天子禮者澄曰今如此後何以加豈勸進辭讓之禮當遂廢乎世宗甫踐阼有旨議興獻王祀號澄會文武大臣據宋儒程頤議前後錄上謂宜改稱興獻王爲皇叔父興獻大王妃爲皇叔母興獻王妃凡祭告興獻王及上箋於妃俱自稱姪皇帝某帝怒曰父母可更易若是耶命再議凡五再集議五疏上執奏愈堅帝不懌留中會帝母妃將至澄等請由崇文門入東安門帝不可乃議由正陽左門入大明東門帝又不行乃自定其儀悉由中門入時尊崇禮猶未定張璠復進大禮或問帝益嚮之至九月未乃下澄等前疏更令博探

輿論以聞澄等知勢不可已謀於內閣加稱與王爲帝
妃爲后而以皇太后懿旨行之帝雖勉從廷議意猶懌
之十二月復傳諭加稱皇帝內閣楊廷和等封還御批
澄抗疏力爭又偕九卿喬宇等合諫帝皆不允明年嘉
靖改元正月寧清宮後二小宮災澄復以爲言會朝臣
亦多諫者乃止澄端亮有學行論事侃侃不撓帝欲推
尊所生嘗遣中官諭意至長跪稽首曰上言人孰無父
母奈何使我不獲伸必祈公易議因出囊金畀澄澄奮
然曰老臣悖老不能驟典禮獨有一去不與議已耳抗
疏引疾至五六上帝輒慰留不允二年二月疾甚復力
請乃許之舟至興濟而卒先是論定策功加澄太子太

傳歷錦衣世指揮同知力辭不受帝雅敬澄雖數忤旨

而恩禮不衰既得疾遣醫診視藥物之賜時至其卒也

深悼惜之贈少傅謚文簡

安弁州集云陸完被逮會推冢宰僉舉澄堅不允至欽趨

出乃推兵部尚書王瓌代之

從曾孫在字君明萬歷二年進士授建

昌府推官禁暴戢姦豪猾屏跡丁父艱服闋補金華課

最擢雲南道御史出按貴州平牙寨苗僦賞等之亂請

廣解額建縣治以懷遠人思南諸生蕭重望爲繼母誣

繫獄論死在覆訊得實出之命賦鶴巢古木詩奇其才

令赴鄉試時已屆八月以飛騎贈之乃得試及榜發首

薦明年登第又按山東歲大被請蠲賑疏凡五上竟得

俞旨宗聖公會氏裔孫流寓遠方至是始歸嘉祥補博

士在特請改三氏學爲四氏學遇駕幸太學并取以陪祀與孔顏孟子孫塙又按河南陞大理寺右丞以疾卒於京邸在生平不營家產置義田二頃以一頃贍於人餘以助貧者區役

沈誠成化庚子舉人官南安令禁溺女設法育嬰給小竊錢令營生田產細故令里老勸解俗爲一變陞臨江通判泣送者萬計在臨亦多惠政以乞養歸

馬慶字善徵宏治六年進士除行人三使宗藩餽遺皆不受寧藩陰蓄不臣傳令東翼門入慶正色斥之曰朝命不從中入禮乎授南京山東道監察御史率同官劾遼東鎮守定西侯蔣驥巡撫都御史陳璘不飭邊備擢

江西僉事山洞賊熾慶承身督士卒克之後因事勢牽掣志不得行遂乞歸治園圃結社托於酒以老

周廣字充之宏治十八年進士歷知莆田吉水二縣正德中以治最徵授御史疏陳四事畧言三代以前未有佛法况刺麻丸釋教所不齒耳貫銅環身衣赭服殘破禮法肆爲淫邪宜投四裔以禦魍魎奈何令近君側爲郡盜興兵口實哉昔禹戒舜曰毋若丹朱傲惟慢遊是好周公戒成三曰毋若商王受之迷亂酗於酒德今之伶人助慢遊迷亂者也唐莊宗與伶官戲狎一夫夜呼倉皇出走臣謂宜遣逐樂工不復籍之禁內乃所以放鄭聲也階下承祖宗統緒而羣小獻媚熒惑致三宮鎖

怨蘭殿無徵雖陛下春秋鼎盛獨不思萬世計乎中人
稍有資產猶畜妾媵以圖嗣續亦有專賢頓蛇不顧祖
宗繼嗣者也義嗣錢寧本宦豎倉頭濫寵已極乃復攘
攸貨財輕篋王章甚至投刺於人自稱皇庶子僭踰之
罪所不忍言陛下何不慎選宗室之賢者置諸左右以
待皇嗣之生諸義兒養子俱奪其各爵乃所以違佞人
也近兩京言官論大臣禦寇不職者陛下率優容卽武
將失律亦赦不誅故兵氣不揚功成無日川原白骨積
如邱山夫出師十萬日費千金令海內困憊已骨見而
肉消矣諸統兵大臣如陳金陸完輩可任其優遊玩寇
不加切責哉請定期責令成功以贖前罪疏入寧怒幸

上不深罪謫廣東懷遠驛丞主事曹琥救之亦被謫錢
寧使人遮道刺廣廣變姓名被道人服潛行四百餘里
乃免武定侯郭勛鎮廣東承寧風旨以白金試廣廣拒
不受攝致軍門箠繫幾死越二年遷建昌知縣有惠政
寧矯旨再謫竹寨驛丞世宗卽位復故官歷江西副使
提督學政嘉靖二年舉治行卓異擢福建按察使鎮守
中官以百金餽廣將劾之中官懼謝罪自是不敢撓六
年以右僉都御史巡撫江西墨吏望風去將限豪右田
不果明年拜南京刑部右侍郎居二年暴疾卒嘉靖末
贈右都御史廣初以鄉舉入太學師章懋在里閭與魏
校友善平生嚴冷無笑容居官公疆弗受託請士類莫

不憚之

按張寅志稱廣授莆田知縣公廉自效日與醫

士大夫詢訪民間利病毋卒驚妻釵釧買棺歸葬知吉水益明練頓州流賊入永豐焚縣治吉水丞簿欲竄廣叱責率民悉力守禦且督土兵邀擊之邑賴以完及謫竹寨驛丞誅茅爲

子士淳字孺初士淹字孺亨

夫室與其徒講學其中

兄弟俱從魏校游傳其易學而于詩書左傳禮記皆能旁涉少貧及廣被謫時毋張氏先卒與繼毋居盡孝無間言其後廣位望通顯終不改儒素之操士淹中嘉靖十六年舉人性尤純厚博通羣籍究理學于世務泊如

時推篤行

吳鸞字應祥正德六年進士九年廷試改禮部精膳司主事以疾乞改南京歷陞主客司郎中先從王倬受易倬獨愛重鸞鸞既精於易義從受業成進士者甚重性

恬退當試輒逡巡或中道反兄鳳強偕往卽取上第輒
又歸久之謁選吏部則同年桂萼已爲禮部尙書下階
握手曰安所得吳公公雖倦勉爲我廉一官然竟移告
留省時同年鄒守益爲南京翰林掌院爲陽明學鸞與
上下惕然起曰武公九十而箴予曷云老因疾致仕歸
鸞事繼母孝田產悉讓兄弟茅屋數椽單居屢空而終
日欣欣若有所得部使者有司往請輒不應徒步從一
童子或時手袍帶行遇賤豎維謹其爲長者類如此
周在字善卿坤之弟正德九年進士授寶坻知縣忤中
官逮捕慷慨置對吏不能難還職縣人薛鳳鳴以御史
附劉瑾犯罪在繩以法因誣在人命復逮入詔獄鳳鳴

又使其妾往來朱寧所乘間詆在寧方蒞錦衣在受杖
灑殆期年法司直其誣十四年召爲監察御史敕覈湖
廣貴州各省錢糧時中官郭用勢侵守臣錦衣千戶聶
能遷倖進在並劾罷之又奏清平伯吳傑充湖廣總兵
官貪懦乖人望兵部侍郎馮清貪穢大學士楊一清在
邊未久不宜輒易席書排斥臺諫肆欺罔皆國家大計
最後言王瓊險狠不可用禮部侍郎桂萼薦舉失實復
下獄杖尋還舊職會郝元洪會薦致仕都御史姚鏌等
十人牽連忤旨萼又修舊隙謫吉安府推官稍遷泉州
府同知改眞定陞刑部員外郎中出爲湖廣僉事擢副
使兵備衡州遷浙江右參政能歸二年卒年六十五在

平生執法無少徇爲文以說理爲主詳載藝文類

王經字倫叙少聰敏刻意經學正德九年進士除河南道御史以年少列風紀志在樹立居三月以勤事嘔血死士類惋惜

唐符字信伯父詔見志行傳符正德九年進士授行人銜命使瀋瀋士人從而執經受業尋試監察御史十六年出按湖湘不務煩擾上下安之嘉靖六年復按湖湘吏民稱真御史陞四川按察司副使勤慎敏達調河南督水利十四年陞山西布政司右參政督理糧餉以勤卒于官

顧濟字丹卿正德十二年進士授行人擢刑科給事中

武宗自南都還卧病豹房惟江彬等侍濟言陛下孤寄於外兩宮隔絕骨肉日疏所恃以爲安者果何人哉漢高帝卧病數日樊噲排闥警以趙高之事今君臣中豈無噲憂者願陛下慎擇廷臣更番入直起居動息咸使與聞一切淫巧戲劇傷生敗德之事悉行屏絕則保養有道聖躬自安不報再踰月而帝崩世宗卽位濟上疏曰陛下踐阼除弊納諫然立法非難守法爲難聽諫非難樂諫爲難今新政所釐多不便於奸豪權倖臣恐盤據旣深玩縱未已非依怙官門必請託左右持法不固則此輩將叢聚而壞之此守法之難也唐太宗貞觀初每導羣臣使言及至晚年諫者乃多忤旨陛下首闢言

路臣工靡不因事納忠高遠者似涉於迂濶切直者或過於犯顏若怒其犯顏其言必不入視爲迂濶則計必不行此樂諫之難也尋復言內臣張雄張銳等註誤先帝業已逮治又獲寬假願斷以大義俾無所售奸帝頗嘉納旣又劾司禮蕭敬黨庇銳等而三法司會訊依違無大臣節不聽帝欲加興獻帝皇號濟言不可遂請得養歸徙居崑山之千墩越數年卒子章志字行之幼孤長通經術嘉靖三十二年進士授行人奉使廣東絕餽遺時嚴嵩當國章志獨弗往改司副尋遷司正轉刑部郎中章志精律例多平反聲名爲西曹最禮部尚書吳山器之請調儀曹以不當嵩意弗果移病歸嵩敗補舊

曹出爲饒州知府饒俗多盜其民鬪而好訟吏窟穴其中勢不可理章志至以次掃之一日召吏庭列扶其尤貪黠者餘以次聲罪衆重足立庭無滯獄下邑待訊者不齋宿日糧上官相謂母輕譏駁令饒守笑也浮梁縣景德鎮奸人與安仁豪以競陶器鬪嘯呼至千人章志適至從輿中諭以禍福悉散去以治行第一進湖廣按察副使乞歸養母服除補廣西靖江王沃使馳驛馬章志叱曰未奉朝廷賜何得馳驛止之民田有與王府屯地錯者王圖并得章志持不可王皆慙沮進貴州右參政又進廣西按察使以參政致仕尋用薦起山東按察使臺使意其老厭事章志謝決益精召拜南京光祿寺

卿遷應天府尹南京兵部右侍郎故事選衛士富實者
領貢舫北上供苦中人賸尅多破家黠者避役至虛伍
不成軍章志用郎中倪凍策彷彿役法募諸篙師官爲
馭之稍豐其直歲費約二萬五千兩米三萬石按衛士
每丁輸銀可萬五千兩國家第益其半已除衛士累中
貴亦無所侵行伍如故疏上報可未幾卒于官年六十
四章志平生孝友過人子紹芳中萬歷五年進士由翰
林院庶吉士至春坊贊善有清望早卒

張寅字仲明少讀書與兄辰互爲師友正德十五年成
進士武宗南巡明年始廷試授江西高安知縣憂歸起
補宜春縣屬大水上臺司請捐歲租慮期會緩乃自具

疏得請民不見災調太和邑苦徭役寅廣詢得實著令均之上下稱宜召爲南京河南道御史時議分祀南北郊社寅上言周正建子以十一月爲歲首故冬至之郊先於夏至之社今建寅勢必社先於郊是尊地卑天從舊便不見省侍郎黃綰以議禮驟貴寅疏列其十罪時張璉失上指勒歸璉晝夜南馳役夫顛踣寅劾璉悻悻無人臣禮并及都御史汪鉉謫高唐州判官州守別築室居寅引弟子講學期年移知安州安多水患寅浚牙家港築隄禦漫溢比壤祁州知州孔天允亦以材見重臺司時人語曰有所疑問安祁莫憂悚有張孔寅浮沈四五載會張璉汪鉉死入爲南京文選司郎中與尙書

湛若水曹郎鄒守益相議論學益精冊立皇太子博選
官僚夏言等所登進多私人上屬吏部更選許國爲尚
書舉十二人寅預焉遂改右春坊右司直兼翰林院簡
討仍以五品服其職言茲不憚而翰林故事六品下次
科第序坐寅進士十九年同列多後進執授官歲凌寅
寅不屈上書執政臺省有所右撫他事劾罷歸自是中
外薦寅皆不報又十九年卒年六十四辰見文學傳

王世芳字濟美正德十五年進士明年廷試授刑部江
西司主事時妻父毛澄官禮部尚書世芳避之乞改得
南京禮部儀制司未幾遷兵部職方司員外歷武選司
驗封司郎中嘉靖七年擢江西贛州府知府以清簡稱

時詹事霍韜貴倖道經贛世芳無加禮韜心善之語太
宰遷廣東提學僉事道世芳公廉不發私書多所汰黜
會改先師像殺祀禮世芳遲之不下被論調江西遂歸
後復官竟不起卒年六十一

按世芳提學廣東時考次
不立一等嘉靖十一年狀

元林大欽實廣東人時以爲言則林固
世芳所取二等第一因服其衡鑒云

王積字子崇少純篤嗜古冬擁被讀書夏納足木罌中
不少輟正德十六年進士得兵部以便養乞南任武庫
司員外陞郎中時上供馬快船累及衛較士供役輒破
家積一切釐革官出公羨辦累頓息遷廣東參議治糧
儲考利弊十二事佐當事殄恩平寇虜獲千計功上賜
金綺旋以憂歸及補官恥謂要人候歲餘不得調乃上

書乞休吏部愧除陝西參議陝多宗屬恣橫不如意立
詬嘯感積威惠遂相戒毋鬻遷湖廣參政時苦苗叛積
計苗屯糯糖山最堅合輕兵綴屯別從間道傾餘巢屯
孤自破巡撫萬某如其計平苗以監試貴州時累謫兩
浙鹽運司副使亦用前功賜金歷遷福建參政佐巡撫
朱某破倭積雖外吏受世宗知題御屏云慣打遠差不
要錢王積晉副都御史巡撫山東持大體吏民懷畏遷
南京兵部右侍郎未幾以目眚乞休歸居家十七載日
擁書命侍人朗誦稍訛輒正之歷八省三以戰功賞不
肯道居官事常從魏校及鄒守益講學甚析年七十八

卒

翟祥字治徵正德十六年進士授南京廣西道監察御史言應天府尹宜久任數易則吏得爲奸詔許之世宗卽位大蠲天下田租凡已徵者准除明歲所應輸不果民失望值江淮間水旱祥疏乞施實惠以弭災變乃賜行凡奏必切大體世宗稱直御史未幾疾卒

蔡子舉字直夫嘉靖五年進士授刑部主事累官南京太常寺卿擢通政使報至三日暴卒舟中年四十有一子舉歷仕二十年博傳記解音律習廷尉法性寬易好稱人能父芝字時馨正德三年進士仕至按察副使性剛介遇子舉嚴甚子舉盡孝養待其弟子齊亦友愛自其曾祖寓京師遂留籍順天府子舉獨思還太倉故選

鄉人尤篤尋求得先塋將營宮室置田宅迎芝奉侍不遂而卒

周錫字子純塾子嘉靖七年貢生謁選入京時世宗好道錫常爲學士陸深代作青詞深嘉之欲薦留館閣錫賦掃雪烹茶詩以寓意中云跡入荒江原是性聲隨活火却何心深曰何至不可奪如是退就選得潮州府通判廉潔抗直爲都御史所厄棄歸生平篤於倫紀五十以後諸父燕集侍坐猶執壺終日不以委之僕隸予渤率益陽錫贈詩有西山若遇浮邱子只許歸囊一粒丹之句年八十預刻死日作歌而逝所著作輯錄甚富詳藝文類時王錫爵知之最深述其行私謚共靖先生州

人以上學使者祀鄉賢祠渤字之元嘉靖二十五年舉人初授益陽知縣尋改江陵爲政廉明多以智計定倉卒考最行取尚書恐忤執政意出爲饒州府同知請急歸子履成字介甫萬歷戊子辛卯兩科副榜選授清平縣主簿理河務以廉幹稱陞德清縣丞攝縣篆會漕弁兌糧肆橫裁以法當路納弁賂語侵之履成卽日解綬歸士民爲建生祠

曹達字履中嘉靖八年進士累遷御史糾汪鉉不法杖五十謫外亦繼鉉以解達受杖已兩緹騎囊過鉉第忽挺起戟手詈曰若尙能脅肩入長安門不徐步歸邸待命得隨州判官州屬暴水達立賞格扞禦全活無筭攝

新水縣事中人從章聖梓宮過急責供帳逵飭吏民手
板水次已公服前引船嘗廩外不庀一錢中人問知曰
是故強項曹耶引去先是錦衣衛有林甲者遊權貴間
賕敗逵按之其黨翟乙營救併寘于法京師目懾號強
項曹故中人云旣遷南城令多政迹進南京工部主事
三年遷廣州知府以廉直自勵順德丞趙某夜行金叱
退之覲歸丞在吏議逵治如法御史楊某故與丞有連
欲有所縱逵持益力御史恚且以色加逵逵曰趙丞善
行金固宜舍拂衣而出御史因誣以他罪詔就訊逵上
疏自白遂調雲南知府而御史及丞相繼罷謫公論快
之逵守雲南如治廣時以最聞擢按察副使治兵臨安

夷酋普憲阻兵達以所部深入縛之巡撫害其功格不上又當調遂歸少貧爲諸生日一粥及貴而老非客至不三盞年七十卒崇祀鄉賢

周復浚字子顓嘉靖十一年進士授工部主事尋遷四川學道謝請托脩兵雲南有平蠻功歷左布政至太僕卿楊慎謂其誠孝以事親廉靜以處用嚴正以守官脩有完德

陳如綸字德宣本許氏祖少育於姑故姓陳嘉靖十一年進士授福建侯官知縣爲政先教化持大體至摘姦發伏一縣神之爲諺曰舉心動念怕陳知縣以卓異擢刑部主事有闕民上疏告昭憲太后支屬事連官聞世

宗意不測如綸獨以大義開導卒得俞旨邊帥以失亡
多遠問武定侯郭勛庇之如綸召鞫立具獄勛遣牙校
入司收取獄詞意在恐喝如綸曰歸語而候刑部事非
他人所得聞旨下當自知之勛不敢奪按察江西始至
卽論釋戍邊者三十人錦衣使者奉詔醮龍虎山所過
橫索撫按共計曰非陳僉憲莫能辦此乃檄往錦衣素
憚之畢事肅然父喪歸再補江西擢福建布政右參議
會有兵事以勞瘁致疾疏請骸骨卒於家性孝友事後
母尤謹讀書至忠義輒慷慨思效嘗被疾宿三忠寺困
頓不能執筆猶口占長歌見志世所稱三懷詩也永豐
令某舊有恩以茶果百金爲贈却之曰吾方飲水無所

用茶其清操如此

顧存仁字伯剛父啟明性淳篤好施以孝弟稱存仁中嘉靖十一年進士除餘姚知縣徵爲禮科給事中時以災異求直言在廷吏務深文取容存仁獨言宜廣曠蕩恩赦議禮戍竄諸臣末云敗俗妨農莫甚釋氏葉凝秀何人而敢乞度帝方崇道凝秀道士也帝以爲刺已廷杖六十諭佃保安州往來塞上凡三十三年穆宗卽位召爲南京通政參議歷太僕卿因請重太僕丞選及論馬政弊報可聘歸有光修寺志書成乞歸存仁困阨久方見用遽勇退世尤高之萬歷初卒予祭葬

按朱彝尊詩話顧伯

剛上疏起草鬼嘯近榻前詰旦鴉又鳴戶上而直言不諱雖受廷笞未嘗殞命使有畏縮何以成名伯剛論及

黃冠故答鴻山漸山詩有潮海空傳佛骨書之句也是時金籙青詞猶未盛而徒薪曲突君子重其先幾焉

張振之字仲起父士鏜以謙約人稱長者振之少聰穎州判周鳳岐試諸生得振之文驚喜問其父兄曰父老而貧兄各撫之適坐他事逮獄鳳岐立出之士鏜感異疾蹠不能眠振之以身承得小安踰七晝夜而愈嘉靖十四年成進士授處州推官時守入覲遂行守事首舉條鞭法詰暴橫貴要斂手秩滿當徵會嚴嵩秉國諸徵者多嵩容以賄通風振之不應嵩敗始就徵擢監察御史按通州糧儲衛官利掌衛印以避漕運振之疏請漕運以用掌印官庶利害均用是官軍稱便著爲令定國公徐延德縱恣振之露章劾奪其任又得戶部尙書高

耀好利狀論之嘗過錦衣衛視囚振之欲仍宏治間故事繇中門入指搆使不聽與詰難緣是多恨者借事構之謫臨清州通判旋移廣信府遷撫州同知撫多盜振之籍捕卒今日一人直盜發罪直者亡何獲其魁斃之獄盜衰止署崇仁縣事清徭稅入爲南京兵部職方員外郎遷南吏部文選司郎中出知吉安府府與廣信撫州隣壤振之久歷土風治行益精敏吉水知縣暴戾欲去之縣有所恃不能勝憤恚乞休未報歸事聞奪官居久之起知杭州尋晉按察副使溫處兵脩病歸卒年五十七振之服官二十年食不能具肉罷吉安歸橐中不滿二金見盥具爲署中物投之水性好行義吉安丞張

大猷卒婦妬妾生子流落民家爲置保姆以歸於張長
寧令沈某盡室死爲治喪具以孤孫託有司天台令死
於官女孫入伎家亦贖以還之其外家有仇嘗侵振之
後道見桎一婦則仇者之妻以逋賦故囚于官爲代償
得釋居常念受知周倅歲時寓書幣亡絕孫嶽字九服
有文學天啟七年舉人

吳轍字希由州學生嘉靖年間以貢授東昌訓導知府
重其文遣子從受學會山東鄉試轍以教官入試知府
喜曰是舉必得吳先生我當於衆中颺言薦之二場聞
毋喪卽行知府悵然者累日服除調茶陵茶陵去省遠
知州赴省例以教官遞攝州事轍當次及獨曰吾官故

閒冷不可使慙熱以違吾志也御史王某與轍善作書
薦之轍竟不致其書及王御史來代匿不見比陞綿州
學正則已挂冠矣常見一人踏大雪中遷置廡下爲覆
蓋予湯藥明旦始甦一夕忽亡米數石妻搜得之已而
目眚經月醫費與米數相當轍笑曰若病固宜夫物已
失非吾有強留之得不爲祟耶其澹於祿利委心順命
類如此

凌汝志字雲鶴與弟雲翼同中嘉靖二十二年鄉試二
十三年成進士授宜春知縣三年入爲刑科給事中疏
論要地貪墨入覲官不當以賄贓當事二十九年以直
諫受廷杖轉工科給事中奉旨覈順天錢穀劾府尹不

職罷之轉兵科左給事中巡視京營時蔣應奎竄子兵籍唐國相以子爲仇鸞家丁冒功濫襲汝志皆論罷編遣陞戶科都給事中復以建言受杖居諫垣八年以親老乞官南都擢應天府丞卒汝志爲諸生時聞王守仁良知之說於錢德洪復卒業歐陽杲之門時謂其學業有本雲翼名汝成以字行嘉靖二十六年進士授南京工部主事隆慶中累官右僉都御史撫鄖陽疏論衛所兵消耗六弊多議行萬歷元年進右副都御史巡撫江西三遷兵部左侍郎兼僉都御史提督兩廣軍務時廣東盜林鳳遁入福建復入潮州雲翼檄番兵討平之尋進征羅旁羅旁在德慶州上下江界東西兩山延袤七

百里阻籌剽掠有司歲發卒戍守雲翼乃大集兵分十哨令總兵張元勳李錫將之四閱月俘斬招降四萬二千八百餘人岑溪六十三山七山那留連城諸獐獍皆懼賊首潘積善求撫雲翼奉設官戍之改瀧水縣爲羅定州鎮以巡道參將積患頓息論功加右都御史兼兵部侍郎六年夏討平河池啼咳北三諸獐捕斬廣東大廟諸山賊嶺表悉定召爲南京工部尚書改兵部兼右副都御史總督漕運巡撫淮揚潘季訓召入遂兼督河道加太子少保召爲戎政尚書以病歸卒雲翼有幹濟才喜事然好殺戮爲時所譏子元超襲錦衣衛副千戶累遷指揮使掌衛事元超子必正字聖功崇禎四年進

士授戶部主事出爲建昌知府有異政忤上官意左遷
眞定同知旋署府事陞廣西兵備按察司副使卽雲翼
平苗建功處也必正紹先業潔已惠下士民戴之十七
年歸里屏跡荒野與華乾龍陳瑚講學論古終其身
國朝順治間州守白登明舉鄉飲賓必正性耿介善屬
文兼工楷法精繪事

徐敦字汝厚故農家子試有司不利從賈年三十復謝
賈事儒晝夜苦功補州學生嘉靖二十六年成進士歷
知諸暨陽信二縣廉潔有威望以治行徵爲南京監察
御史抗疏論鄂懋卿忤嚴嵩出爲山西僉事轉參議所
至持法中蜚語落職歸又薦起刑部郎中陞苑馬卿終

以介性與時寡合遂致仕官二十餘年蕭然如寒士

徐燠字文華嘉靖三十二年進士授長沙府推官丁嗣
父憂服闋補武昌以治最微爲四川道監察御史改山
西道巡視兩淮鹽課都御史希柄臣指歲增鹽課數萬
燠抗疏爭卒如故額旋爲北畿提學道有大學士某屬
其甥者燠曰視文何如耳竟置下等某銜之曠科臣摭
事劾燠首輔徐階謂曰吾故識燠是減兩淮鹽稅御史
也尋弗問陞按察副使督江西學政值嚴嵩敗籍圖書
充棟悉置之學宮以惠士子遷山西道行太僕寺卿致
仕燠性孝爲御史時聞本生父訃哭曰吾卽爲人後奈
何抱痛所生而綬仍若若耶亟引疾歸晚好神仙卒年

七十一

龔起鳳字瑞周始昌周姓各江嘉靖三十七年舉人改姓名授定州學正起鳳性潔清自待嚴重時定州知州由中朝左遷諷起鳳拜持不可曰無兩失也典中州試與御史數爭事尋擢大理寺司務寺胥例納免役錢時正卿王篆屬起鳳徵錢不應篆怒笞其役起鳳亦笞篆役被劾謫嚴州府學正遷杞縣知縣受事縣見囚三百人多冤濫起鳳縱去留十二人歸德府有李某者豪於鄉殺人賄令脫死上官移起鳳訊未至二十里令款迎惟謹至則私致千金起鳳叱退窮治伏罪縣故事令得有馬價夫價金五百起鳳以歸官日食蔬菜一簞僕二

人不勝困皆逃歸則蕭然襖被闔戶寢與日給小史銀二分具飲食御史行縣供帳儉率寒月燭火不繼御史自出錢以風起鳳起鳳若不聞監司謂曰按君嚴重奈何令坐折脚牀起鳳曰瓊事安問此監司匿笑亡何以不及論罷縣爲罷市旣行泣送者萬人又贖二百金請曰使君卽不念家當顧行路起鳳曰勞苦父老我單行無可恐卻去時周王以百金贖亦卻不受曰罷吏謝王願留惠百姓起鳳歸灌園園惟種韭里中持錢往則開園刈韭若不知爲官人時稱龔公韭如是積年乃卒卒時婿爲具棺先是婿嘗冒受金爲起鳳所恨至是張目云卽親蝼蟻毋汚我友人張振之合錢治後事始得殮

云

生員

王泰

陸英

全校

直隸太倉州志卷二十六終